

刊

通

亭林詩集目錄

崑山顧炎武寧人著

卷之一

大行哀詩

感事 六首

京口即事 二首

哀闕篇

金陵雜詩 五首

千里

秋山 二首

表哀詩

十二月十九日奉先妣藁葬

延平使至

海上 四首

不去 三首

賦得老鶴萬里心

贈顧推官咸正

大漢行

義士行

秦皇行

墟里

塞下曲 二首

海上行

哭楊主事廷樞

推官二子被難 二首

淄川行

哭顧推官

哭陳太僕子龍

十月二十日奉先妣葬於先曾祖兵部侍郎公墓之左

墓之左

墓後結廬三楹作

精衛

哭興行贈歸高士祚明

賦得越鳥巢南枝

賦得江介多悲風

擬唐人五言八韻 六首

常熟縣耿侯橘水利書

偶來

涪溪碑歌

寄薛開封察

將遠行作

京口 二首

石射棚山

春半

懷人

賦得秋鷹

八尺

桃花溪歌贈陳處士梅

瞿公子玄銷將往桂林不得達而歸贈之以詩

卷之二

金壇縣南五里顧龍山上有高皇帝御題詞一

閱

重至京口

榜人曲 二首

流轉

秀州

恭謁孝陵

拜先曾王考木主於朝天宮後祠中

贈萬舉人壽祺 淮東

贈人 二首

同族兄存愉拜黃門公墓

贈路舍人澤溥 清江浦

丈夫 王家營

傳聞 二首

路舍人家見東武四先歷

再謁孝陵

恭謁高皇帝御容於靈谷寺

贈朱監紀四輔 監紀示遊粵詩

贈鄔處士繼思

昔有 二首

贈楊明府永言

送歸高士之淮上

贈劉教諭永錫

贈郝將軍太極

孝陵圖

十廟

金山

僑居神烈山下

古隱士 二首

真州

太平

蟻磯

江上 二首

久雷燕子磯院中有感而作

范文正公祠

錢生肅潤之父出示所輯方書

元旦陵下作二首

常熟歸生戾陳生芳績書來以詩答之

贈路光祿太平中亦訓王生仍

永夜 訓陳生芳績

贈路舍人 贈錢行人邦寅

松江別張處士慙王處士煒暨諸友人

贈潘節士榿章 閏五月十日恭謁孝陵

王處士自松江來拜陵畢遂往蕪湖

桃葉歌 黃侍中祠

王徵君潢具舟城西同楚二沙門小坐柵洪橋

下 攝山

賈倉部必選說易 旅中

訓王處士九日見懷之作

送張山人應鼎還江陰

和陳生芳績並痛之作二首

卷之三

元日 萊州

安平君祠 不其山

勞山歌 張饒州允掄山中彈琴

淮北大雨 濟南二首

賦得秋柳 訓徐處士元善

登岱 謁夫子廟

七十二弟子

謁周公祠

謁孟子廟

賦得桔槔

張隱君元明園中仙隱祠

二首

濟南

自笑

訓歸戴王潘四子韭溪草堂聯句見懷

濰縣

二首

衡王府

督亢

京師作

薊州

玉田道中

永平

謁夷齊廟

寄弟紆及友人江南

三首

山海關

望夫石

昌黎

三屯營

恭謁天壽山十三陵

王太監墓

劉諫議祠

居庸關

二首

重登靈巖

秋雨

與江南諸子別

天津

舊滄洲

再謁天壽山陵

送王文學麗正歸新安

答徐甥乾學

白下

重謁孝陵

贈林處士古度

贈黃職方師正

杭州

二首

禹陵

宋六陵

顏神山中見橘

三月十九日有事於攢宮

古北口

五十初度時在昌平

北嶽廟

井陘

一鴈文舉

卷之四

元旦

霍山

書女媧廟

晉王府

贈傅處士山

又訓傅處士次韻 二首

贈陸貢士來復

詠史

李克用墓

五臺山

訓李處士因篤

雨中送申公子涵光

訓史庶常可程

汾州祭吳潘二節士

寄潘節士之弟耒

王官谷

蒲州西門外鐵牛

潼關

華山

驪山行

長安

乾陵

將去關中別中尉存杜於慈恩寺塔下

后土祠

龍門

自大同至西口

四首

孟秋朔旦有事于攢宮

贈孫徵君奇逢

訓程工部先貞

寄劉處士大來

朱處士彞尊過余於太原東郊贈之

屈山人大均自關中至

重過代州贈李子德在陳君上年署中

出鴈門關屈趙二生相送至此有賦

應州 二首

重至大同

得伯常中尉書却寄并示朱烈王太和二門人

淮上別王生略

贈蕭文學企昭

曲周拜路文貞公祠

德州過程工部

過蘇祿國王墓

赴東 六首

子德李子聞余在難特走燕中告急諸友人復

馳至濟南省視于其行也作詩贈之

樓桑廟

三月十二日有事于攢宮同李處士因篤

贈李貢士嘉時年八十

邯鄲

邢州

自大名至保定子德已先一月西行賦寄

亾友潘節士之弟未遠來受學兼有投詩答之

二首

述古

德州講易畢奉柬諸君

輓殷公子岳

寄張文學昭時淮上有築堤之役

雙鴈

夏日 二首



秋風行

靜樂

大原寄王高士錫闡

孟縣北有藏山云是程嬰公孫杵臼藏趙孤處  
讀李處士顛襄城紀事有贈

寄楊高士瑀

齊祭器行

題李先生矩亭

瓠

主門旅宿

燕中贈錢編修秉鎰

先妣忌日

哭程工部

有歎

二首

哭歸高士

卷之五

廣昌道中

二首

寄問傅處士土堂山中

與胡處士庭訪北齊碑

詠史

二首

路光祿書來敘江東同好一時徂謝感歎成篇  
過矩亭拜李先生墓下

潘生次耕南歸寄示

子房

刈禾長白山下

歲暮

二首

兄子洪善北來言及近年吳中有開淞江之役  
書此示之

閏五月十日

二首

過張貢士爾岐

送程工部葬

各舍人客居太湖東山三十年寄此代柬  
孫徵君葬於夏峰僑寓太原不獲執紼適吳中

有傳示同社名氏者感觸之意遂見乎辭  
漢三君詩 三首

楚僧元瑛談湖南三十年來事作四絕句

賦得簷下雀

薊門送李子德歸關中

李生符自南中歸橋李三年矣追維壯遊兼示  
舊作 二月十日有事于攢官

贈歙陵司香貫太監宗

陵下人言上年冬祭時有聲自寶城出至稜恩

殿食頃止人皆異之 過郭林宗墓

介休 介之推祠

霍北道中懷關西諸君

河上作

雨中至華下宿王山史家

過李子德 四首 卓帽

采芝 寄李生雲霽

春雨 寄二三處士被薦者

井中心史歌 夏日

梓潼篇贈李中孚 和王山史燕中對菊詩

關中雜詩 五首 過朝邑王處士建常

寄子嚴 寄次耕

次耕書來言時貴有求觀余所著書者答示  
雲臺觀尋希夷先生遺跡

硤石驛東有西鷗路至臨汝築垣封閉有題  
雜陽

三月十九日行次嵩山會善寺

少林寺

嵩山

湖景臺

卓太傅祠

梁園

海上

五嶽

贈張力臣

子德自燕中西歸省我于汾州天寧寺

寄次耕 三首

歲暮西還時李生雲濬方讀鹽鐵論

送康文學乃心歸郟隰

友人來坐中口占二絕

送李生南歸寄戴笠王錫闢二高士

訓族子涪

朱處上鶴齡寄尚書卑傳

哭李侍御灌溪先生楨

華下有懷顧推官

華陰古蹟 一首

悼山 五首

冬至寓汾州陽城里中尉敏汙家祭畢而飲有

作 二首

寄題貞孝墓後四柿

贈衛處士蒿

訓李子德二十四韻

贈毛錦銜

亭林詩集目錄終

亭林詩集卷之一

大行哀詩

乙下闕  
逢沼灘

神器無中墜英明乃嗣興紫蜺迎劔滅丹日御輪升  
景命殷王吸靈符代邸膺天威寅降鑒祖武肅丕承  
采聖昭王儉盤杆象帝兢澤能回夏暘心似涉春冰  
世值頽風運人多比德朋求官逢碩鼠馭將失饑鷹  
細柳年年急萑苻歲歲增關門止鐵牡路寢泄金滕  
霧起昭陽鏡風搖甲觀燈已占伊水竭真邁祀天崩  
道否窮仁聖時危恨股肱哀同望帝化神想白雲乘  
祕□歸新野羣心望有□小臣王室淚無路哭橋陵

太元經紫蜺商雲明園日 墨子堯舜禹湯文武之事書於竹帛鏤之金石  
琢之盤玉後漢書崔駰傳作杆 漢書五行志木沴金成帝元延元年正月

長安章城門門牡自山函谷關次門牡亦自山師古曰牡所以下閉者也以鐵爲之 庚信哀江南賦序袁女之每念王室自然流涕

### 感事

日角膺符早天枝主鬯臨安危宗社計擁立大臣心  
舊國仍三亳多方有二斟漢災當百六人未息謳吟  
縞素稱先帝春秋大復讐告天傳玉冊哭廟見諸侯  
詔令屯雷動恩波解澤流須知□軍出一□定□州  
上宰承王命專征指大江出關收漢卒分陝寄周邦  
日氣生元甲雲祥下赤幢登壇推大將國士定無雙  
尚錄文侯命淡虞雒邑東千秋懸國恥一旦表軍功  
蹋鞠追名將乘軒比上公君王多倚託先與賦彤弓

蘇子瞻書傳曰子讀文侯之命篇知東周之不復興也宗國傾覆禍敗極矣平王宜若衛文公越勾踐然今其書乃旋旋焉與平康之世無異春秋傳曰

萬王之禍諸侯釋位以間王政宣王有心而後效官讀文侯之命知平王之無志也 史記票騎傳其在塞外卒悉糧或不能自振而票騎尚穿城蹋鞠

春秋傳衛甯武子來聘公與之宴為賦湛露及彤弓不辭又不答賦

清蹕郊宮寂春遊苑藥荒陵邊屯牧馬關下駐賢王  
紫塞連元菟黃河界白羊輿圖猶在眼涕淚已霑裳

史記劉敬傳白羊樓煩王去長安近者七百里輕騎一日一夕可以至

自昔南朝地常稱北府雄六軍多壘日萬國鼓鞞中  
聽律音非吉焚旗火乍紅恐聞劉展亂父老泣江東

六月壬午督師標下兵與浙江兵關於鎮江西門外焚民居數百家

周禮大師執同律以聽軍聲而詔吉凶 左傳僖十五年火焚其旗 通鑑唐肅宗紀安史之亂兵不及江淮及劉展反田神功討平之其民始知惟荼毒

### 京口即事

已下旃 蒙作噩

白羽出揚州黃旗下石頭六雙歸鴈落千里射蛟浮  
河上三軍合□□一戰收祖生多意氣擊楫正中流  
大將臨江日□原望捷時兩河通詔旨三輔急王師  
轉戰收銅馬還兵飲□□從軍無限樂早賦仲宣詩

宋史李綱傳請於河北置招撫司河東且經制司擇有材畧者爲之使宣諭  
天子恩德所以不忍棄兩河於敵國之云也後漢書光武紀擊銅馬於鄴悉  
將降人分配諸  
將衆遂數十萬

### 京關篇

王氣開江甸山河拱舊京德過灑水卜運屬阪泉征  
赤縣疏封濶黃圖映日明秩猶分漢尹丞尚薦周牲  
闕道紆金輅郊宮佇翠旌山陵東掖近府寺後湖清  
國運方多難天心會一更神州疑逐鹿率土駭奔鯨

號略旗初仆函關鼓不鳴遂令纏大角無復埽欃槍  
合殿焚丹戶金城落畫甍銜哀遺梓柙泣血貫宗祊  
傾否時須聖扶屯理必亨望雲看五采候緯得先贏  
渡水收萍實占龜兆大橫舊邦回帝省耆俊式王楨  
歷是周正月田踰夏一成雅應歌吉日民喜復盤庚  
毓德生維嶽分猷降昴精朝稱元老壯國有丈人貞  
密切營三輔恢張頓八紘塘周淮口柵山繞石頭城  
未蕩封豨梗仍遺穴鼠爭師從甘野誓人雜渭濱耕  
四冢懸蚩戮千刀待莽烹柳青依玉勒花發韻金鉦  
黃后傳三畧條侯總七營虎頭雙劍白猿臂一弓駢  
會見妖氛淨旋聞阨塞平載橐歸武烈伊減築文聲

禮洽封山玉音諧降鳳笙配天歸舊物復國紀鴻名  
 曉集僊庭鷺春遷大谷鶯尊師先太學納誨必延英  
 側席推干鼎回車載釣璜在陰來鶴和刻石起魚鏗  
 念昔掄科日三陪薦士行帝鄉秋愴况天闕歲崢嶸  
 賦客餘枚叟文才後賈生飲泉隨渴鹿攀徑落危甍  
 再見東都禮尤淡上國情百僚方勸進父老盡來迎  
 宿衛皆勲舊干楨竝禁兵乾坤恩澤大雷雨氣機盈  
 草綠西州晚雲彤北闕晴法官瞻斗柄別館望金莖  
 玉帛塗山會車書雒邑程海槎天上隔陽卉日邊榮  
 對策年猶少尊王志獨誠小臣搖彩筆幾欲擬張衡

史記天官書大角者天子之帝廷杜子美詩大角纏兵氣顏延之皇太子釋奠詩時屯必亨運蒙則止唐書隋大業十三年六月鎮星嬴而旅於參

書星也李淳風曰鎮星主福未當居而居所宿國吉書文侯之命罔或者壽俊在厥服史記殷本紀帝盤庚之時殷已都河北盤庚渡河南復居成湯之故居建康志柵塘在秦淮上通古運瀆實錄注吳時夾淮立柵號柵塘梁天監九年新作綠淮塘北岸起石頭迄東冶南岸起後渚籬門迄三橋作兩重柵皆施行馬皇覽曰蚩尤冢在東平郡壽張縣闕城中高七丈民常十月祀之有赤氣出如匹絳帛民名爲蚩尤旗肩髀冢在山陽郡鉅野縣重聚大小與闕冢等傳言黃帝與蚩尤戰於涿鹿之野殺之身體異處故別葬之梁徐陵在齊與楊僕射書四冢磔蚩尤千刀割王莽梁元帝藩難未靜述懷詩金鉦韻渚宮劉敬叔異苑曰晉武帝時吳郡臨平岸崩出一石鼓打之無聲以問張華華曰可取蜀中桐材刻作魚形扣之則鳴於是如言聲聞數十里班固東都賦發鯨魚鏗華鐘鮑照舞鶴賦歲崢嶸而愁暮

金陵雜詩

江月懸孤影還窺李白樓詩人長不作千載尚風流  
 塢壁三山古池臺六代幽長安佳麗日夢繞帝王州  
 春雨收山半江天出翠層重聞百五日遙祭十三陵  
 祝版書孫子祠官走令丞西京遺廟在灑掃及冬烝

天居宜壯麗考室自宣王地即周瀍右規因漢未央  
水衡存物力司隸識朝章父老多垂涕還思祖德長  
正殿虛椒寢蒼生望母儀國風思窈窕小雅夢熊羆  
中使頻傳勅臺臣早進規願聞姜后戒仍及會朝時  
漢書杜欽傳佩玉宴鳴咽離離之知好色之伐性短年天下將蒙化陵夷而成俗也故詠淑女幾以配上列女傳周宣姜后賢而有德宣王嘗早臥而晏起后夫人不出於房姜后既出乃脫簪珥待罪於永巷使其傳母通言於丁王復姜后而勤於政事于早朝晏退繼文武之迹與周室之業詩會且歸矣無庶子子憎

記得尚書巷

先兵部侍郎府君官舍所在

于今六十年功名存駕部

先公疏船

甲事得請為南京百年之利事載船政新書

俎豆託朝天

有祠在朝天宮

樹向烏衣直門臨

白水偏侍郎遺石在過此一悽然

古樂府青溪小姑曲開門白米側近橋梁唐書薛元超為中書舍人宏文館學士兼修國史中書省有一盤石元超祖父道衡為內史侍郎嘗據而草

制元超每見此石未嘗不泣然流涕

千里

千里吳封大三州震澤通戈矛連海外文檄動江東

王子新開邸將軍舊總戎登壇多忼慨誰復似臧洪

後漢書臧洪傳陳畱太守張邈與諸牧守大會於酸棗設壇場將盟既而更相辭讓莫敢先登成共推洪洪乃攝衣升壇操血而盟辭氣忼慨聞其言者無不歎

秋山

秋山復秋山秋雨連山殷昨日戰江口今日戰山邊

已聞石甌潰復見左拒殘旌旗埋地中梯衝舞城端

一朝長平敗伏尸徧岡巒北去三百舸舸好紅顏

吳口擁橐駝鳴笳入燕關昔時鄢郢人猶在城南間



漢書李陵傳於是盡輕旌旗及珍寶埋地中五日書慕容超載記使送吳口千人戰國策雍門司馬謂齊王曰鄢郢之大夫不欲為秦而在城南下者數以百

秋山復秋水秋花紅未已烈風吹山岡燐火來城市  
天狗下巫門白虹屬軍壘可憐壯哉縣一旦生荆杞  
歸元賢大夫斷脰良家子楚人固焚麋庶幾歆舊祀  
句踐棲山中國人能致死歎息思古人存亾自今始

左傳定五年吳師居麋子期將焚之子西曰父曰親暴骨焉不能收又焚之不可子期曰國亾矣死者若有知也可以歆舊祀豈憚焚之焚之而後戰

### 表哀詩

晉孫綽作表哀詩其序曰余以薄祜風滿坦閣凶天覆既淪俯憑坤厚豈悟一朝復見孤棄不勝哀號作詩一苦口敢冒諒闇之譏以申固極痛之

龜勉三遷久間關百戰淡生慚毛義檄死痛子輿衾

荻字書猶記斑衣舞尚尋淒其天步蹙荏苒歲華侵  
密葉凋秋氣貞柯落夜陰國書公父訓女史大家箴  
未已還間望仍畱恤緯心霜催臨穴旒風送隔鄰砧  
白鶴非新表青烏即舊林欲求防墓處戈甲滿江潯

列女傳王孫賈母言女莫出而不還則吾倚間而望女今事王王出走女不知其處女尚何歸

十二月十九日奉先妣藁葬

婁縣百里內牧騎過如織土人每夜行冬淡月初黑  
扶柩已南來幸至先人域合葬亦其時倉卒未可得  
停車就道右子也聞日食魂魄依祖考即此幽宮側  
三年卜天道墓檟茂以直龜勉臣子心有懷亦焉極  
悲風下高原父老為哀惻其旁可萬家此意無人識

禮記曾子問孔子曰昔者吾從老聃助葬於巷且及垣日有食之老聃曰丘止柩就道右止哭以聽窆既明久而后行

延平使至

已下柔兆閏茂

春風一夕動三山使者持旌出漢關  
萬里干戈傳札十行書字識  
顏身留絕塞援枹伍夢在行朝  
執戟班一聽□□同感激收□遥待□□還

海上

日入空山海氣侵秋光千里自登臨  
十年天地干戈老四海蒼生痛哭淚  
淡水湧神山來白鳥雲浮仙闕見黃金  
此中何處無人世祇恐難酬烈士心  
滿地關河一望哀徹天烽火照胥臺  
名王白馬江東去故國降旛海上來  
秦望雲空陽鳥散冶山天遠朔

風迴樓船見說軍容盛左次猶虛授鉞才

隋書五行志梁大同中童謡曰五月絲白馬壽陽來其後侯景破丹陽乘白馬以五月絲為羈勒

南營乍浦北南沙終古提封屬漢家  
萬里風煙通日本一軍旗鼓向天涯  
去百八誠國公劉孔昭白福山口口樓船已奉征蠻勅博

望空乘汎海查愁絕王師看不到寒濤東起日西斜  
長看白日下蕪城又見孤雲海上生感慨河山追失  
計艱難戎馬發深情埋輪拘鑕周千畝蔓草枯楊漢  
二京今日大梁非舊國夷門愁殺老侯嬴

楚辭九歌埋兩輪兮繫四馬尉繚子拙矢折矛

不去

不去圍城擁短轅棲棲猶自向平原  
此心未忍輕三

晉願見辛垣盡一言

落日江津送伍員秋風壠上別徐君偶來圯下逢黃石便到山中臥白雲

欲投海島問田橫却恨三齊路不平記作安平門下客當時曾見火牛兵

賦得老鶴萬里心用心字

何來千歲鶴忽下九臯音一自來凡境推顏已至今臨風時獨舞警露亦長吟乍識人民異還悲歲月侵早寒江上笛秋急戍樓砧木落依空沼雲多失舊林三株天外冷甲子世間滾尚想蓬萊曉終思弱水陰神州迷再舉碧落杳千尋多少乘軒者知同一寸心

埤雅鶴性警至八月白露降流於草木上點滴有聲因即高鳴相警警移徙所宿處慮有變害也楚辭惜誓云鶻之一舉兮知山川之紆曲再舉兮知人

地之圓方

贈顧推官咸正

巴下疆圍大淵獻

上郡天北門一垣接羗氏當年關中陷九野橫虹霓日光不到地哭帝蒼山蹊君持蘇生節冒死決蒺藜揮刀斬賊徒一炬看燃臍東虞勢薄天少梁色悲悽遂從黃冠歸間關策青驪豈知果卿血已化哀鴟啼弟錢塘知縣咸建未敢痛家讐所念除鱸鮓有懷託桑榆焉得巖下棲便蹴劉司空夜舞愁荒鷄春水濕樓船湖上聞鉦鼙勾吳古下國難與秦風齊却望殺潼間山高別馬嘶□□哀忠臣臨軒降紫泥高景既分符汾陰

亦執珪如君俊拔才久宜侍金閨會須○○原指顧  
安黔黎

顏延之和謝監靈運詩謁帝蒼山蹊漢光武賜馮異詔曰可謂失之東隅收之桑榆漢書周苛死榮陽乃拜其弟昌為御史大夫後以功封汾陰侯苛子成以父死事封高景侯

### 大漢行

大漢傳世十二葉祚移王莽繇居攝黎元愁苦盜賊  
生次第諸劉興宛葉一時併起實倉皇國計人心多  
未協新市將軍憚伯升遂令三輔重焚劫指揮百二  
歸蕭王一統山河成帝業吁嗟帝王不可圖長安天  
子今東都隗王白帝何為乎扶風馬生真丈夫

漢書賈誼傳高皇帝與諸公併起師古曰併音步鼎反

### 義士行

飲此一杯酒浩然思古人自來二晉多義士程嬰公  
孫杵臼無其倫下官之難何倉卒賓客衣冠非舊日  
袴中孤兒未可知十五年後當何時有如不幸先朝  
露此恨悠悠誰與訴一心立趙事竟成存亡死生非  
所顧嗚呼趙朔之客真奇特人主之尊或不能得獨  
有人分長歎空山側

### 秦皇行

秦肉六國啖神州六國之士皆秦讐劍一發亡荆軻  
筑再舉誅漸離博浪沙中中副車倉海神人無奈何  
自言王者定不死豈知天意凶秦却在此隕石化山

鬼言天意茫茫安可論扶蘇未出監上郡始皇不死  
讐人刃

楊子法言始皇方斧將相方乃六同方木將相方  
肉口漢書張良傳東見知流以君音灼曰海神也

### 墟里

昔有周大夫愀然過墟里時序已三遷沈憂念方始  
乃知臣子心無可別離此自經板蕩餘一再見桃李  
春秋相代嬗激疾不可止慨焉歲月去人事亦轉徙  
古制存練祥變哀固其理送終有時既長恨無窮已  
豈有西向身未昧王哀旨眷言託風人言盡愁不弭

楊惲報孫會宗書君父至兩  
親也送其終也不時而感

### 塞下曲

趙信城邊雪化塵紆干山下雀呼春即今三月鶯花  
滿長作江南夢裏人

史記衛將軍驃騎傳遂至其顏山趙信城口五代史寇彥卿傳紆干山頭凍  
死雀何不飛去生處樂 梁丘遲與陳伯之書暮春三月江南草長雜花生  
樹羣鸞  
亂飛

一從都尉生降去夜夜魂隨塞鴈蘆陛下寬仁多不  
殺可能生入玉門無

史記柴將軍遺韓王信書曰陛下寬仁諸  
侯雖有畔心而復歸輒復故位號不誅也

### 海上行

大海天之東其處有黃金之宮上界帝子居其中欲  
往從之水波雷駭幾望見之以風為解徐福至彼止  
王不來至今海上人時見城郭高崔嵬鼉鼉噴沫聲

如宮商日月經之以為光明或言有巨魚身如十洲  
長幾化為龍不可當一旦失水愁徬徨北冥之鯨有  
耶無耶又言海中之棗大如瓜棗不實空開花但見  
鯨魚出沒鑿齒磨牙昔時童男女一去不回家東浮  
大海難復難不如歸去持魚竿

史記大宛傳贊日月所相避隱為光明也曰晏子  
春秋景公問晏子曰東海之中有棗華而不實

### 哭楊主事廷樞

吳下多經儒楊君實宗匠方其對策時已負人倫望  
未得侍承明西京俄淪喪五馬遂南來汪黃位丞相  
幾同陳東獄幸遇明主放牧馬飲江南真龍起芒碭  
首獻大橫占竝奏北邊狀手詔曰朕甚感  
楊廷樞之占卦是日天顏迴喜

氣浮綵仗口筆授二官天壘春俱盎

擢兵部主事  
兼監察御史

魚麗筮

澤兵烏合松陵將滅跡遂躬耕猶為義聲唱松江再

蹉跌搜伏窮干嶂竟入南冠囚一死神慨忼往秋夜

中論指事竝吁悵我慕凌御史

凌

倉卒當絕吮齊蠟

與楚龔相期各風尚君今果不食天日情已諒隕首

盧墟村噴血胥門浪唯有大節存亦足酬山貺灑涕

見羊曇

君甥  
衛向

停毫默悽愴他日大鳥來同會華陰葬

推官二子執後欲為之經營而未得也而二子

死矣

生來一諾比黃金那肯風塵負此心不是白登詩未

解菲才端自媿盧諶

晉書劉琨作詩贈別駕盧諶引鴻明白登之事用以喻意謀素無奇畧以常詞酬和殊乖琨心

蒼黃一夜出城門  
白刃如霜日色昏  
欲告家中賣黃犢  
松江江上去招魂

古樂府平陵東歸告我家賣黃犢

淄川行

張伯松巧為奏  
大毒豨高牙擁前後  
罷將印歸里中東  
國有兵鼓逢逢  
鼓逢逢  
旗獵獵  
淄川城下圍  
三匝圍  
三匝開城門  
取汝一頭謝元元

漢書王莽傳張竦為劉嘉作奏請滅安眾侯崇莽封嘉為師禮侯嘉于七人皆賜爵關內侯又封竦為恭德侯長安為之語曰欲求封過張伯松力戰門不如巧為奏

哭顧推官

推官吾父行世遠  
亾譜系及乎上郡還  
始結同盟契

崎嶇鞭弭間周旋  
僅一歲痛自  
淪王綱亦陵替

人懷分土心欲論  
縱橫勢與君共三人  
其一歸高士祚明獨

南陽誓麾白羽扇  
一掃天日翳君才  
本恢宏開略

人事細一入人手  
幾墮  
睨乃有將隙因掉

三寸說主非其人  
復不濟君來就茅屋  
問我

駕所稅幸有江上舟  
請鼓鈴下柁別去近  
旬君行

尚畱滯二子各英姿  
文才比蘭桂身危更  
藏亾并命

一朝斃巢卵理必連  
事乃在睂背一身更  
前却欲聽

華亭喚我時亦出  
聞此輒投袂扁舟來  
勸君行矣

不再計驚弦鳥不飛  
困網魚難逝旦日追  
吏來君遂

見囚繫檻車赴白門忠孝辭色厲竟作戎首論卒踐  
宿生誓倉皇石頭骨未從九原瘞父子兄弟間五人  
死相繼嗚呼三吳中巍然一門第尚有五歲孫伏匿  
蒼山際門人莫將燹行客揮哀涕羣情佇收口恩卹  
延後世歸喪琅邪冢詔策中牢祭後死媿子源徘徊  
哭江裔他日修史書猶能著凡例

通鑑庚水奔會稽至浙江蘇峻購之甚急吳鈐下卒引水入船以蘆條繫之  
吟嘯鼓柝流而去後漢書李固傳門生王戎將變求江步下伏隆傳  
詔隆中弟咸收隆喪太中大未護送喪事詔告琅邪冢

### 哭陳太僕

陳君鼂賈才文采華王國早讀兵家流千古在胸臆  
初仕越州理一矢下山賊南渡侍省垣上疏亦切直

告歸松江上歛見牧馬逼拜口至口口願請三吳口  
口使護諸口加以太僕職遂與章邯書資其口口力  
幾事一口口口覆天地黑嗚呼君盛年海內半相識  
魏齊亡命時信陵有難色事急始見求棲身各荆棘  
君來別浦南我去荒山北柴門日夜扃有婦當機織  
未知客何人倉卒具糲食一宿遂登舟徘徊玉山側  
有翼不高飛終為尉羅得恥為南冠囚竟從彭咸則  
尚媿虞卿心負此一悽惻復多季布柔晦迹能自匿  
君出山時尚僕從三  
四人服用如平日  
史記季布傳諸公皆  
多季布能推剛為柔

十月二十日奉先妣葬於先曾祖兵部侍郎公



墓之左

先考葬祖墓左四十年其左有池形家或言  
兆有水是歲將合葬我母三族皆爲災武難  
之災武念先妣之治命不可以不合葬而四  
十年之藏又不可以遷萬一有水又不可以  
徑情而遂葬遲回者久之及啓壙竟無水訖  
事無風雨昔重光大荒落之歲葬先王父既  
祖奠火作於門里人救之遂熄念吾先人積  
德累仁固不當有水火之菑陰陽之咎而不  
孝一人所遇之不幸如此天之不遂棄之而  
曲全之又如此是可以忘先人之志哉

王季之墓見水齧宣尼封防遭甚雨我今何幸獨不  
然或者蒼天照愁苦昔我先臣葬於此神宗皇帝賜  
之墓一區六十年間事反覆到今陵谷青糶糊止存  
松楸八百樹夜夜宿鳥還相呼行人指點侍郎冢成  
卒不敢來樵蘇乃知朝恩寵大易世猶與凡人殊  
天道回旋改寒燠公侯子孫久必復歲月日時共五  
行先公葬亦以歲丁亥月  
辛亥日丁亥時辛亥前岡後舍分昭穆皇天下監臣子  
心環三百里無相侵先皇弓劍橋山岑山多虎豹江  
水淡欲去復止長哀吟

國語越王命環會稽三百里以爲范蠡地曰後世子孫有敢  
侵蠡之地者使無終沒於越國皇天后土四鄉地主正之

墓後結廬三楹作

偉元居城陽簡之在丹徒古人廬墓有至意獨我未  
得心煩紆東西南北亦人子豈知天路還崎嶇奮矛  
躍馬一到此營地半畝先人隅築室三楹戶南向前  
對日月開規模舊栽松樹無觸鹿惟有老栢銜悲枯  
憶昔曾蒙至尊詔共姜名字懸三吳至今東平冢上  
木枝枝西靡朝皇都爾來天地春意絕不見口父重  
嗚呼一身去口無所泊類此鴻鴈三秋徂陰風怒號  
白日孤吁嗟此室千年俱

晉書殷仲堪為桓玄所害子簡之葬於丹徒遂居墓側後率私僮客隨義軍  
躡桓元元死簡之食其肉口魏書傅永嘗登北邙山奮袖躍馬回旋瞻望有  
終焉之志遂買左右地數頃遺勅子叔偉曰此吾之永宅也口晉書許孜於  
墓所列植松栢豆五六里時有鹿犯其松栽致悲歎曰鹿獨不念我乎明日  
忽見鹿為猛獸所殺以舊唐書褚無量傳丁憂居於墓側其所植松栢有鹿  
犯之無量泣而言口山中眾草不少何忍犯吾先坐樹哉因通久守護成有

羣鹿馴狎不復侵害口晉書王夏常至

琴栢悲號華樹樹為之枯

### 精衛

萬事有不平爾何空自苦長將一寸身銜木到終古  
我願平東海身沈心不改大海無平期我心無絕時  
嗚呼君不見西山銜木衆鳥多鵲來燕去自成窠

### 吳興行贈歸高士祚明

北風十二月遊子向吳興榜人問何之不言但沾膺  
三年于戈暗鄉國有兄不得歸坐域高堂有母兒一  
人負米百里傷哉貧此來海虞兩月日裁得白金可  
半鎰歸來入門不暇餐直走山下求兄棺湖中雪滿  
七十峰江山對君凝愁容冬盡月向晦慈親倚門待

果見兄骨歸心悲又以喜如君節行真古人一門內  
外唯孤身出營甘旨入奉母崎嶇州里良苦辛君向  
余太息此事不足言遙望天口山猶在浮雲間長歎  
未及往塵沙沒口口口州已口口菽水難爲計豈無  
季孫栗義不當人惠世無漢高帝餓殺韓王孫寧受  
少年侮不感漂母恩時人未識男兒面如君安得長  
貧賤讀書萬卷佐帝王口口一紙定四方拜口口口  
口還歸奉高堂窮冬積陰天地閉知君唯有袁安雪

世說王悅之少厲清操爲吏部郎時鄰省有會同者遣之  
併一甌辭不受曰所費誠復小小然少來不欲常人之惠

賦得越鳥巢南枝用枝字

已下著  
雍困敦

微物生南國深情繫一枝寒風羣拉沓落日羽差池  
繞樹飛初急尋柯宿轉遲懸冰驚趾滑集霰怯巢危  
路入關河夜思縈嶺嶠時山川知夙性天地識恩私  
向日心常在隨陽願未虧寄言幽谷友勿負上林期

賦得江介多悲風用風字

素節乘雲夢清秋下渚宮哀音生地籟激楚入天風  
落鴈過山急寒蟬抱樹空傷心千里目愁絕百年中  
邛路元依北江關久向東有人宗國淚何地灑孤忠

華陽國志巴楚相攻伐故置江關陽關後  
漢書岑彭傳公孫述遣將乘枋箠下江關

擬唐人五言八韻

申包胥乞師

辰尾垂天謫亾人  
基寇兵舟師通大別  
獵火照方城

九縣長蛇據三關鑿齒橫君王親草莽微命託宗枋  
千予終南近間關繞雷平張旌非聘客躡屩一書生  
雀立庭柯瞑猿啼夜柝驚秦車今已出誓死必存荆  
漢書王莽傳繞雷之固南當荆楚服處曰繞雷隘險之道師古曰謂之繞雷者言四面院塞其道屈曲谿谷之水向繞而雷也其處即今之商州界七盤十二繞是也○儀禮聘禮及竟張旌○戰國策七日而薄秦王之朝雀立不轉晝吟宵哭

### 高漸離擊筑

神州移水德故鼎去山東斷霓夫人劒殘煙郭隗宮  
身留烈士後跡混市兒中改服心彌苦知音耳自通  
沈淪餘技藝忼慨本英雄壯節悲遲晚羈魂迫固窮  
一吟遼海怨再奏薊丘風不復荆卿和哀哉六國空

### 班定遠投筆

少小平陵縣蕭然一布衣讀書傳父業握管上皇畿  
太乙藜初降蘭臺露未晞生涯憑筆札甘旨爲慈闈  
忽見天弧動聊將電鈇揮于闐迎轡勒疏勒候旌旂  
凍磧軍營轉秋山捷奏飛封侯來萬里老見錦衣歸

本傳嘗爲官僮書行詣相者曰祭酒布衣諸生耳而當封侯萬里之外

### 諸葛丞相渡瀘

火山橫日暮銅澗亘天微亂樹雲南國交繩棘外橋  
枕戈穿偪仄帶甲上岵堯地汁生淫霧流煙入斗杓  
七擒依算略一戰定蠻苗信洽炎荒永恩宣益部遙  
深思危大業隆眷切先朝更有親賢表宮廷告百僚

漢書佞幸傳註師古曰東北謂之塞西南謂之徼五經通義陰亂則爲霧從地汁也○楚辭大招霧雨淫淫白皓膠只

祖豫州聞雅

萬國秋聲靜三河夜色寒星臨沙樹白月下戍樓殘  
擊柝行初轉提戈夢未安沈幾通物表高響入雲端  
豈足占時運要須振羽翰風塵懷撫劔天地一征鞍  
失以何年補先鳴意獨難函關猶未出千里路漫漫

吳志周喻傳使失且之經復得一鳴口左傳襄二十一年州緝曰臣不敏平陰之役先二子鳴

陶彭澤歸里

結駟非吾願躬耕力尚堪咄嗟聊結綬去矣便投簪  
望積廬山雪行淡渡口嵐芟松初作徑蔭柳乍成蔭  
蕪盜連朝濁壺觴永日酣秋籬尋菊蕊春箔理桑蠶  
舊德陳先祖遺書付五男因多文義友相與卜村南

常熟縣耿侯橘水利書

神廟之中年天下方全盛其時多賢侯精心在農政  
耿侯天才高尤辨水土性縣北枕大江東下滄溟勁  
水利久不修累歲煩零滢疏鑿賴侯勤指顧川原定  
百室滿倉箱子女時昏聘洋洋河渠議欲垂來者聽  
三季饒凶荒庶徵頻隔并誰能念遺黎百里嗟懸磬  
况多鋒鏑驚早夜常奔迸上帝哀憚瘳天行當反正  
必有康食年河雒待明聖自非經界明民業安得靜  
願作勸農官巡行比陳靖畎澮徧中原粒食詒百姓

後漢書陳忠傳天心未得隔并屢臻註隔并謂水旱不節也尚書曰一極備凶一極無凶并音必性反一即頌傳歲無隔并大平可待口史記蔡澤傳決裂阡陌以靜生民之業而一其志口宋史食貨志至道二年太常博士直史館陳靖上言農田事以頌為京西勸農使按行陳許蔡穎襄鄧唐汝等州功

田民墾

偶來

偶來湖上已三秋便可棲遲老一邱赤米白鹽猶自足青山綠野故無求柴車向夕逢元亮款段乘春遇少遊鳥獸同羣終不忍轍環非是為身謀

南齊書周顒傳衛將軍王儉謂曰日卿山中何所食口曰赤米白鹽綠麥紫豨

浯溪碑歌

萬曆元年先曾祖官廣西按察副使道浯溪得唐元次山中興頌石本以歸為顏魯公筆字大徑六七寸歷世三四此碑獨傳之不肖歲旃蒙作噩命工裝潢為冊工人不知碑自

左方起而以年月先之遂倒鑿不可讀方謀重裝而兵亂工死不復問者三年碑固在舊識楊生所一旦為余重裝以來則文從字順煥然一新有感於先公之舊物不在他人而特屬之嗣人之稍知大義者又經兵火而不失且待時而乃成夫物固有不偶然者也為之作歌

昔在唐天寶祿山反范陽天子狩蜀都賊兵入西京肅宗起靈武國勢重恢張二載收長安鑿輿迎上皇小臣有元結作詩頌大唐欲令一代典風烈追宣光真卿作大字筆法名天下磨崖勒斯文神理遺來者

書過泗亭碑文匹淮夷雅畱此繫人心枝撐正中夏  
 先公循良吏海內推名德驅馬復悠悠分符指南極  
 遐眺道州祠流覽浯溪側如見古忠臣精靈感行色  
 匪煩兼兩載不用金玉裝攜此一紙書存之貯青箱  
 以示後世人高山與景行天運有平陂名蹟更存亾  
 寶弓得堤下大貝歸西序舊物猶生憐何況土與疆  
 却念蒸湘間牧騎已如林西南天地窄零桂山水淡  
 响嘯大禹迹萬木生秋陰一峰號回鴈朔氣焉得侵  
 恐此浯厓文苔蘚不可尋藏之篋笥中寶之過南金  
 此物何足貴貴在臣子心援筆為長歌以續中唐音

後漢書吳祐傳此書若成則載之兼兩谷  
 梁傳定九年得宝玉大弓惡得之得之堤下

寄薛開封家君與揚主事同隱鄧尉山併被獲

或曰僧也免之遂歸常州

別君二載餘無從問君處蒼蒼大澤雲漠漠西山路  
 神物定不辱精英夜飛去只有延陵心尚挂姑蘇樹  
 他日過吳門為招烈士魂燕丹賓客盡獨有漸離存

張協七命或馳名傾秦或夜飛去吳李善註  
 引越絕書闔戶無道湛盧之劍去之入楚

將遠行作

去秋關東溟今冬浮五湖長歎天地間人區日擦蕪  
 出門多蛇虎局促守一隅夢想在中原河山不崎嶇  
 朝馳瀍澗宅夕宿穀函都神明運四極反以形骸拘  
 收身蓬艾中所之若窮途杖策當獨行未敢憚羈孤

願登廣阿城一覽輿地圖回首八駿遙悵然臨交衢

莊子夫三子者猶存乎蓬艾之間後漢李膺傳從至廣阿光武舍城樓上披輿地圖指示禹曰天下郡曰如足今始乃得其一

京口

異時京口國東門地接留都左輔尊囊括蘇松儲陸  
海襟提閩浙壯屏藩漕穿水道秦隋跡壘壓江干晉  
宋屯一上金山覽形勝南方亦是小中原

東吳北翟戰爭還天府神州百二關末代棄江因靖

鹵靖鹵伯鄭鴻逵當年開土是中山雲浮鸛鶴春空遠水擁蛟

龍夜月閒相對新亭無限淚幾時重得破愁顏

石射棚山已下屠維赤奮若

寒日欲墮石射棚環湖歷歷來漁燈山下蘄工宋時

墓屹然穹碑鎮山路大白天孤見角芒金山京口文

沙場爾來牧騎方淡入口在明州王待王

吳郡志靈巖山在城西二十里一名石射棚山

春半

春半雨不絕北風吹荒山江南花不開日愁生寒

登高望千里苦霧何漫漫口州七月圍糧盡力亦殫

營頭墮軍中旗燾沈江干漢道昔中微白水應圖記

晚世得先主亦作三分事干戈方日尋天時自當至

一身容荊州毫不以措意流離志不挫終然口口器

一朝得孔明可以託後嗣撫掌長太息且作南山歌

開篋出口書日夜窻揣摩中原有大勢攻戰不在多



願爲諸口言不省其奈何

後漢書天文志晝有雲氣如壞山墮章上軍人皆厭所謂管頭之星也占曰管頭之所墮其下覆軍流血三十里 三國志註引漢晉春秋曰曹公自柳城還表謂備曰不用君言故爲失此大會備曰今天下分裂日尋干戈事會之來豈有終極乎若能應之於後者則此亦未足爲恨也 史記留侯世家良爲他人言皆不省

懷人

秋風下南國江上來飛鳶江頭估客幾千輩其中別有東吳船吳兒解作吳中曲扣舷一唱悲歌續乍迴別鶴下重雲一叫哀猿墜淡木曲中山水不分明似是衡山與洞庭日出長風送舟去祇留江樹青冥冥湘山削立天之角五嶺盤紆同一握嶽峯七十有二峰紫蓋獨不朝衡嶽萬里江天木葉稀行人相見各沾衣寄言此日南征雁一到春來早北歸

杜子美望南嶽詩紫蓋獨不朝爭巨嶽相望 蔡口胡笳十八拍鴈南征兮欲寄邊聲鴈北歸兮爲得漢音

賦得秋鷹

青骹初下赤霄空千里江山一擊中忽見晴臯鋪白草頓令涼野動秋風當時遂得荆文寵佐運終成尚父功試向平蕪看獵火六雙還在上林東

陳思王孟冬篇獵以青骹掩以修竿

八尺

八尺孤帆一葉舟相將風水到今秋曾來白帝尋先主復走江東問仲謀海上魚龍應有恨山中草木自生愁憑君莫話興亾事舊日長年已白頭

桃花溪歌贈陳處士梅

陶君有五柳更想桃花源山迴路轉不知處到今高  
士畱空言太邱之後多君子門前正對桃花水嘉蔬  
名木本先疇海志山經成外史曾作諸生三十年老  
來自種溪前田四百甲子顏猶少有與疑年但一笑  
有時提壺過比鄰笑談爛熳皆天真酒酣却說神光  
始感慨汎瀾不可止老人尚記爲兒時煙火萬里連  
江畿斗米三十穀如土春花秋月同遊嬉定陵龍馭  
歸蒼昊國事人情亦草草桑田滄海幾回更只今尚  
有遺民老語罷長謠更浮白七十年來似疇昔與君  
同是避秦人不醉春光良可惜春非我春秋非我秋

惟有桃花年年開溪水年年流爲君酌酒長無愁

左傳襄二十九年絳縣文或年長六八無子而往與於食有與疑年 史記封  
禪書老人爲兒時從其大父識其處 詩勞人草草毛傳草草勞心也 郊  
祀歌日出入篇故春非我春夏  
非我夏秋非我秋冬非我冬

瞿公子元鎔將往桂林不得達而歸贈之以詩  
不成南去又東還行盡吳山與越山萬里一身天地  
外五年方寸虎豺問厓門浪拍行人舸桂嶺雲遮驛  
使關我望長安猶不見愁君何處訪慈顏

亭林詩集卷之二

金壇縣南五里顧龍山上有高皇帝御題詞一

闕 已下上章 辨提格

突兀孤亭上碧空高皇於此下江東即今御筆留題  
處想見神州一望中黃屋非心天下計詞有他日偷閒花鳥  
娛情山水相開之句  
青山如舊帝王宮丹陽父老多遺恨尚與兒童誦大

風

范畢樂遊苑應詔詩黃屋非堯心 宋濂上八明日歷序  
元季驛騷奮起於民間以圖自全初無黃屋左轟之念

重至京口

雲陽至京口水似巴川縈逶迤見北山乃是潤州城  
城北江南舊軍壘當年戍卒曾屯此西上青天是帝

京天邊淚作長江水江水遠城回山雲傍驛開遙看  
白羽扇知是顧生來

榜人曲

儂家住在江洲兩槳如飛自繇金矢一到北岸踏車  
金山三周

宋史虞允文傳臨江按試命戰士踏車船中流上下三周金山回轉如飛

真州城子自堅京口長江無恙艤舟夜近江南恐有  
南朝丞相

文信國指南錄敵船滿江百姓無一舟可問與人爲謀皆以無船長嘆而止  
余元慶遇其故舊爲敵管船遂密叩之許以承宣使銀千兩其人曰吾爲宋  
朝救得一丞相回建大功業何以錢爲但求批帖爲他日趨承之  
證因授山批帖仍強委之白金義人哉使吾無此一遭遇已矣

流轉

流轉吳會間何地爲吾土登高望九州極目皆溱菘  
寒潮盪落日雜還魚鰕舞饑鳥晚未棲弦月陰猶吐  
晨上北固樓慨然涕如雨稍稍去鬢毛改容作商賈  
却念五年來守此良辛苦畏途窮水陸仇讐在門戶  
故鄉不可宿飄然去其宇往往歷關梁又不避城府  
丈夫志四方一節亦奚取母爲小人資委肉投餓虎  
浩然思中原誓言向江澣功名會有時杖策追

秀州

秀州城下水日夜生春雲雲含秀州塔鳥下吳江濱  
我願乘此鳥一見倉海君異人不可遇力士難再得  
海內不乏賢何以酬六國將從馬伏波田牧邊郡北

復念少遊言憑高一悽惻

恭謁孝陵已下重光翠閣

閏位窮元季真符啓聖人九州殊夏裔萬古肇君臣  
武德三王後文思二帝鄰卜年乘王氣定鼎屬休辰  
江水紫丹闕鍾山擁紫宸衣冠天象遠法駕月遊新  
正寢朝羣后空城走百神九變超帶菓原廟逼嶙峋  
寶祚方中缺炎精且下淪郊垆來獵火苑籞動車塵  
繫馬神宮樹樵蘇御道新巋然唯殿宇一望獨荆榛  
流落先朝士間關絕域身干戈逾六載雨露接三春  
患難形容改艱危膽氣真天顏杳靄接地勢鬱紆親  
尚想初陵制仍詢徙邑民因山皆土石用器不金銀

時有倡開煤之說

紫氣浮天宇蒼龍捧日輪願言從□□修謁

待西巡

漢書王莽傳贊餘分閏位班固東都賦建武之年天地革命四海之內更造天婦肇有父子君臣初建人倫實始史記孝文紀治霸凌皆以瓦器不得以金銀銅錫為飾太祖實錄遺命亟葬儀物一以儉素不用金玉後漢書鄧禹傳南至長安率諸將齋戒擇吉日修禮謁祠高廟因循行園陵為置吏士奉守焉

拜先曾王考木主於朝天宮後祠中

晉室丹楊尹猶看古柳存先公嘗為應天八府尹山河今□域瞻拜

獨曾孫雨靜鍾山閉雲浚建業昏自憐襜褕客拭淚

到都門

南史劉瓛傳瓛六世祖恢晉時為丹楊尹袁粲曾於後堂請瓛指聽事前古柳樹謂瓛曰人言此是劉尹時樹每想高風今道見卿清德可謂不衰矣  
獻與張融王思遠書自謂貧困縵縷衣裳容髮有足駭者

贈萬舉人壽祺

徐州人

白龍化爲魚一入豫且網愕眙不敢殺縱之遂長往  
萬子當代才浚情特高爽時危見繫維忠義性無枉  
翻然一辭去割髮變容像卜築清江西賦詩有遐想  
楚州南北中日夜馳輪鞅何人訶北方處士才無兩  
回首見彭城古是霸王壤更有雲氣無山川但塊莽  
一來登金陵九州大如掌還車息淮東浩歌閉書鞵  
尚念吳市卒空中弔颺颺南方不可託吾亦久飄蕩  
崎嶇千里間曠然得心賞會待淮水平清秋發吳榜

西都賦猶愕眙而不能階胎丑吏反驚爲狹唐書權皋爲  
驛亭保以詞北方漢書梅福傳變名以灶爲吳市門卒

淮東

淮東三連城其北舊侯府昔時王室壞南京立新主  
河上賊帥來東南費撐拄詔封四將軍分割河淮上  
侯時擁兵居千里暫安堵促觴進竿瑟堂上坎坎鼓  
美人拜帳中請作便旋舞爲歡尚未畢羽檄來旁午  
揚舲出廟灣欲去天威怒舉族竟生降一旦爲俘虜  
傳車詣幽燕猶佩通侯組長安九門中出入黃金塢  
故侯多嫌猜黃金爲禍胎白日不爾待長夜來相催  
徬徨闕門前一時下霆雷法更逢上意羅織及嬰孩  
具獄阿房官腰斬咸陽市踟躕念黃犬太息諱諸子  
父子一相哭同日歸蒿里有金高北邙不得救身死  
地下逢黃侯舉手相挪榆我爲口朝將爾作燕山俘

俱推凶門轂各剖河山符嗟公何不死死在淮東郭  
一死畱芳名一死骨已枯寄語後世入觀此兩丈夫

贈人

楊朱見路岐泫然涕沾臆路旁多行人一南一以北  
南北遂分手去去焉所極南指越裳山北適氐裘國  
同在天地間合并安可得此去道路長哀哉各努力  
步上太行山盤石鬱相抱行人共太息此是摧輶道  
前路無康莊回車苦不早聞君將有適念此令人老  
山下六丈夫窮年折芝草不出巖谷間長得顏色好

同族兄存愉拜黃門公墓

已下元  
默執徐

公姓顧氏諱野王字希馮以梁臨賀王記室

參軍起兵討侯景入陳官至黃門侍郎墓在  
今蘇州府吳縣橫山東五里越來溪上盧襄  
石湖志曰墓上有一巨石橫臥可二丈許石  
上古松一枝似蓋湖上望見之即知爲野王  
墳今樹與石無恙天啓中有勢家欲奪其地  
而葬竈已穿矣族兄存愉發憤訟於官得止  
其勢家所築周垣及樹木皆歸顧氏

古墓橫山下遺文郡志中才名畱史傳譜系出先公  
歲月千年邈郊垌百戰空立松標舊竈偃石護幽宮  
地自豪家奪碑因貴客龔賢兄能發憤陳迹遂昭融  
念昔遭離亂於今事略同登車悲出走雪涕問臨戎

述記名山業提戈國士風荒祠血食汗簡續孤忠  
山勢仍吳鎮溪流與越通眷言懷往烈感慨無窮

贈路舍人澤溥

秋鴈違朔風來集三江裔未得遂安棲徘徊望雲際  
嗚呼先大夫早識□□氣謁□□□宮柄用恩禮備  
汀江失警□一死魂猶視君從粵中來千里方鼎沸  
絕跡遠浮名林臯託孤詣東山峙大湖昔日軍所次  
奉母居其中以待天下□相逢金閭西坐語一長喟  
復叙國變初山東竝賊吏長淮限南北支撐賴文帥  
擒魁獻行朝逆黨皆戰悸江外甫晏然卒墮權臣忌  
鑠金口未白牧馬彎弓至□□呼恩官干戈對王使

口書曰口有守  
困恩官路振飛

感激千載逢一下君臣淚嶺表多災風孤

棺託蕭寺怒聲瀧水急遺策空山闕君才賈董流矧  
乃忠孝嗣國步方艱危簡在卿昆季經營天造始建  
立須大器敢不竭微誠用卒□□志明夷猶未融善  
保艱貞利

左傳昭五年明夷之謙  
明而未融其當且乎

清江浦

此地接邳徐平江故蹟餘開天成祖代轉漕北京初

牐下三春盡湖存數尺

淮安城西有五牐每歲糧船以春月北  
上夏初閉牐以防黃水灌入裏河俟秋

水退九月開牐回空牐內所流  
皆高郵寶應諸湖南來之水

舳艫通國命倉廩峙軍儲陵谷

天行變山川物態疎黃流侵內地清口失新渠米麥



江淮貴金錢帑藏虛蒼生稀土著赤地少耰鋤廟食  
思封券河防重璽書路旁看父老指點問舟車

丈夫

丈夫志四方有事先懸弧焉能釣三江終年守菰蒲  
如何駟隙間流光日已徂矯首望太行努力驅鹽車  
風吹河北鴈颯沓雲中呼豈無懷土心所羨千里途

王家營

荒坳據淮津彌望徧秋草行人日夜馳此是長安道  
鷄鳴客車出四野星光早征馬乏青芻山川色枯稿  
燕中舊日都風景猶自好衣殘若上繒米爛東吳稻  
公卿不難致所患無金寶還顧旅舍中空囊故相惱

回頭問行人路十如何老

通鑑路巖佐崔鉉於淮南爲支使鉉知其必貴嘗曰路十終須作彼一官既  
而人爲監察御史不出長安城十年至宰相其自監察入翰林日鉉猶在淮  
南聞之曰路十今已入翰  
林如何得老後皆如鉉言

傳聞

傳聞□極馬新已下湘東五嶺遮天霧三苗落木風  
間關□□日瘴癘百蠻中不有三王禮誰收一戰功  
廿載河橋賊於今伏斧礮□威方一震兵勢已遙臨  
張楚三軍令尊周四海心書生籌往略不覺淚痕淡

路舍人家見東武四先□

已下昭陽  
大荒落

夏后昔中微國絕四十載但有少康生即是天心在  
歷數歸君王百揆領冢宰路公文貞識古今危難心不

怠屬車乍□□□盡戎壘粵西已踰年其歲直丁  
亥侵尋谷自擁迫感限厓海□門絕島中大澤一空  
畧新□尚未頒國疑更誰待遂命疇人流三辰候光  
彩印用文淵閣丹泥勝珠琲龍馭杳安之台星隕衡  
彙猶看正□□□江山改在昔順水軍光武戰幾  
殆子顏獨奮然終竟齊元凱叔世乏純臣公卿襍鄙  
猥持此一冊書千秋戒僚采

莊子秋水篇計四海之在天地間也不似畧空之在大澤乎左思吳都賦  
珠琲闌于後漢書光武紀光武北擊尤來大槍五幡於順水北乘勝輕進  
反爲所敗軍中不見光武或云已沒諸將不知所爲吳漢曰卿曹努力  
王兄子在南陽何憂無主衆恐懼數日乃定吳漢傳吳漢字子顏

再謁孝陵

再陟神垵下還經□□□精靈終浩蕩王氣自崔嵬

突兀明樓峙呀庠御殿開□雲浮苑起碧巘到宮迴  
鼎叶周家卜符占漢代災蒼松長化石黑土乍成灰  
城闕春生草江山夜起雷興王龍虎地命世鄂申才  
瞻拜魂猶惕低徊思轉哀上陵餘舊曲何日許追陪

柳子厚遊朝陽巖詩反宇臨呀庠唐人小說馬湘至永康縣東天  
寶觀有大枯松相曰此松後三十餘年即化爲石石白後松果化爲石

恭謁高皇帝御容於靈谷寺

肅步投禪寺焚香展御容人間垂法象天宇出真龍  
隆準符高帝虬鬚軼太宗掃除開八表盪滌翦羣兇  
大化乘陶冶元功賴發蹤本支書胙德臣辟記勲庸  
遺像荒山守塵函古刹供神靈千載後運會百年重  
痛迫西周威愁淡朔漠烽萬方多感感薄海日喁喁

臣籍東吳產皇恩累葉封天顏仍左顧國難一趨從  
飄泊心情苦來瞻拜跪恭異時司隸在可許下臣逢

贈朱監紀四輔

寶應人

十載江南事已非與君辛苦各生歸愁看京口三軍  
潰痛說揚州七日圍碧血未消今戰壘白頭相見舊  
征衣東京朱祐年猶少莫向尊前歎式微

監紀示游粵詩

知君前自廣州來瀧水孤雲萬壑哀兩路□□皆不  
下□□守嶺竟空回同時金李多驍將遺事江山只  
戰臺獨有臨風憔悴客新詩吟罷更徘徊

贈鄔處士繼思

市中問韓康藥肆在何許牀頭本草書門外長桑侶  
每吟詩一篇冷然在雲天笳穿北固雲艇迷京口煙  
六代江山好愁來恣撥討蘭蓀本獨芳薑桂從今老  
去去復棲棲河東王伯齊年年尋柱甫一過浣花溪

後漢書第五倫傳客河東變名姓自稱王伯齊載鹽往來太原  
上黨所過輒爲糞除而去陌上號爲道士親友故舊莫知其處

昔有

昔有楚項羽宰割封侯王徙帝都上游殺之於南方  
大權既分裂海內爭雄彊何況咫尺間羸秦尚未亾  
時會互反覆壯盛豈有常感事再三歎令我一徬徨  
魏政昔濁亂兵甲興爾朱唐臣多險浮全忠肆誅屠  
貪夫分自當不用重哀吁河陰與白馬千載同一途

奈此國命何大勢常與俱天意未可窺或爲真人驅  
揚明府永言雲南人昔在崑山□□□□爲僧於華  
亭及吳帥舉事去而之蘭谿今復來吳下感舊  
有贈

絕跡雲間日分飛海上秋超然危亂外不與少年儔  
閱歲空山久尋禪古寺幽干戈纏粵徼妻子隔寧州  
乍解桐江纜仍回谷水舟刀寒餘斗色血碧帶江流  
舊卒蒼頭散新交白眼休同年張翰在張行人賓客顧  
榮雷海日初浮嶼吳霜早覆洲與君遵晦意不負一  
□謀

送歸高士之淮上

送君孤棹上長淮千里談經意不乖卜宅已安王考  
兆攜書還就故人齋簷前映雪吟徧苦窗下聽鷄舞  
亦佳此日邴原能斷酒不煩良友數縈懷

三國志邴原傳注原舊能飲酒自遊學八九年酒不向口及臨別師友以原  
不飲酒會米肉送原原曰本能飲酒但以荒思廢業故斷之耳今當遠別因  
見賦饑可一飲燕於是  
共坐飲酒終日不醉

贈劉教諭永錫大名

棲遲十載五湖湄久識元城劉器之百口凋零餘僕  
從一身辛苦別妻兒心悲漳水春犁日日斷長洲夕  
鴈時獨我周旋同宿昔看君臥起節頻持

郝將軍太極滇人也天啓中守霑益余於敘功  
疏識其姓名今爲醫客於吳之上津橋言及舊

事感而有贈

曾提一旅制黔中  
水蘭諸酋指顧空  
入楚廉頗猶未  
老過秦扁鵲更能  
工風高劔氣蛉川  
外水沸茶聲鶴  
澗東橋畔相逢不  
相識漫將方技試  
英雄

隋書史萬歲傳  
入自蜻蛉川

孝陵圖

有序

重光單闕二月己巳來謁孝陵值大雨稽首  
門外而去又二載昭陽大荒落二月辛丑再  
謁十月戊子又謁乃得趨入殿門徘徊瞻視  
鞠躬而登殿上中官奉帝后神牌二其後蓋  
小屋數楹皆黃瓦非昔制矣升甬道恭視明

樓寶城出門周覽故齋宮祠署遺址牧騎竟  
斥不便攜筆硯同行者故陵衛百戶東帶玉  
稍爲指示退而作圖念山陵一代典故以革  
除之事實錄會典竝無紀述當先朝時又爲  
禁地非陵官不得入焉其官於陵者非中貴  
則武弁又不能通諳國制以故其傳鮮矣今  
既不盡知知亦不能盡圖而其錄於圖者且  
不盡有恐天下中人同此心而不獲至者多  
也故寫而傳之

鍾山白草枯冬月蒸宿霧十里無立樞岡阜但回互  
寶城獨青青日色上霜露殿門達明樓周遭尚完固

其外有穹碑巍然當御路文自成祖爲千年繫明祚  
侍衛八石人祇肅候靈輅下列石獸六森然象鹵簿  
自馬至獅子兩兩相比附中間特峯嶽有二擎天柱  
排立榛莽中凡此皆尚具又有神烈山世宗所封樹  
臥碑自崇禎禁約煩聖諭石大故不毀文字猶可句  
至於土木工俱已亾其素東陵在殿左先時懿文祔  
云有殿二層去門可百步正殿門有五天子升自阼  
門內廡三十左右以次布門外設兩厨右殿上所駐  
祠署并官監羊房暨酒庫以至各廨宇竝及諸宅務  
東西二紅門四十五巡鋪一一費搜尋沙日仍迷瞽  
山後更蕭條兵牧所屯聚洞然見銘石崩出常王墓

何代無厄菑神聖草能度幸茲寢園存皇天永呵護  
奄人宿其中無乃致藜汗陵衛多官軍殘毀法不捕  
伐木復撤亭上觸天地怒雷震樵夫死梁壓陵賊仆  
乃信高廟靈却立生畏怖若夫本衛官衣食久遺蠹  
及今盡流冗存兩千百戶下國有蟣臣一年再奔赴  
低徊持寸管能作西京賦尚慮耳日褊流傳有錯誤  
相逢虞子大獨記陵木數未得對東巡空山論掌故

後漢書光武紀流冗道

路盧仝月蝕詩地上蟣蝨臣仝告訴帝天皇後

漢書虞延傳光武東巡路過小黃高帝母昭靈后園陵在焉時延爲部督郵

詔呼引見問園陵之事延進止從容占拜可觀其陵樹株蘖皆諳其數俎豆

犧牲頗曉其禮帝善之史記司馬相如傳宜命掌故悉奏其義而覽焉漢

書音義曰掌故大

師官屬主故事者

### 十廟

鷄鳴山下有帝王功臣  
十廟後人但謂之十廟

我來雞籠下十廟何蒼涼周垣半傾覆棟宇皆頽荒  
樹木已無有寂寞餘山岡功臣及卞劉竝作瓦礫換  
衛國有遺主尚寓五顯堂武惠僅一間廟貌猶未亾  
蔣廟頗完具欹側惟兩廊帝王殿已撤主在門中央  
或聞道路言欲改祀三皇真武竝祠山香火仍相當  
其南特煥然漢末武安王云是督府修中絕以堵墻  
陪京板蕩餘百司已更張神人悉異名不改都城隍  
朔望及零祈頓首誠恐惶神奉太祖勅得以威遐荒  
畱此金字題昭示同三光追惟定鼎初遣祀明綸將  
二百七十年吉蠲存太常三靈俄□□一代淪彞章  
園丘□□□百神焉得康騎士處□廟陵闕來牛羊

何當挽天河滌去諸□□無文秩新邑人鬼咸迪嘗  
復見十廟中冠佩齊趨踰此詩神聽之終古其毋忘

漢書王莽傳莽感高廟神帝遣虎賁武士入高廟拔劔四面提擊斧壞戶牖  
挑湯楮鞭灑屋壁令輕車校尉居其中又令北軍中壘居高寢書洛誥  
咸扶無文漢書郊祀  
歌登成甫田百鬼迪嘗

金山已下闕  
逢敦祥

東風吹江水一夕向西流金山忽動搖塔鈴語不休  
水軍一十萬虎嘯臨□州巨艦作大營飛艫爲前茅  
黃旗亘長江戰鼓出中洲舉火蒜山旁鳴角東龍湫  
故侯□□□手運丈八矛登高矚山陵賦詩令人愁  
沈吟□□餘□□旌旆浮忽聞□□來先聲動□幽  
闔廬用□□鄢郢不足收祖生奮擊楫肯效南冠囚

願言告同□□□莫淹留

晉書佛圖澄傳段末波攻云勒衆甚盛勒懼問澄澄曰昨日寺鈴鳴云明日食時當禽段末波劉曜攻雒陽勒將救之以訪澄澄曰相輪鈴音云秀支替戾岡僕谷劬禿當此言軍出捉得曜也

僑居神烈山下

典得山南半畝居偶因行藥到郊墟依稀玉座浮雲裏落莫金莖淡日初塔葬屬支城外土營屯塞馬殿中廬猶餘伯玉當年事每過陵宮一下車

列女傳衛靈公與夫人夜坐聞車聲麟麟至闕而止過闕復有聲公問夫人曰知此爲誰夫人曰此蘧伯玉也其人不以聞味廢禮是以知之公使人視之果伯玉也

古隱士

幼安遭漢季一身客遼東世亂多傾危築室浚山中

自非學者流名字罕得通研心易六爻不用希潛龍根矩好清評行止乃未同

嘗聞龐德公自守甘窮餓且率妻子耕不知州牧過關中催况攻河上表呂破默默似無聞但理芸鋤課獨識諸葛君一言定王佐

真州

擊楫來江外揚帆上舊京鼓聲殷地起獵火照山明楚尹頻奔命宛渠尚守城真州非赤壁風便一臨兵

太平

天門采石尚嶙峋一代興亡此地親雲擁白龍來戍壘日隨青蓋落江津常王戈甲先登陣花將鬚眉罵



賊身猶是南京股肱 郡憑高懷往獨傷神

吳志孫皓傳注引于寶晉紀庚子歲青蓋當入雒陽太祖實錄上渡江抵采石磯常遇春舍舟奮戈先登眾皆披靡遂拔采石陳友諒陷太平守將樞密院判花雲大罵而死

蠟磯

下接金山上小孤一磯中立鎮蕪湖千年形勢分南極萬里梯航達帝都嶺色遠浮黃口薰江風寒拂白頭烏高皇事業山河在雷得奎章墨未枯

廟中有高皇帝御製詩金字牌

扇一

三國典畧侯景篡位令飾朱雀門其日有白頭烏萬許集於門樓童謡曰白頭烏拂朱雀還與吳

江上

清霜覆蘆花秋向江岸白青山矗江天飛鳥去無跡

行行獨愁思今為遠行客晨樵水上峰夜釣磯邊石酌水復烹魚可以供日夕且此恣盤桓安能守阡陌江風吹回波垂釣魚不上歲早耕山田抱甕禾不長閒來走磯下輕舟駕兩槳何處是新洲日入秋砧響聞有□□人欣然願偕往恐復非英流空結千齡想

南史宋武帝嘗□□新洲

久雷燕子磯院中有感而作

寄食清江院從秋又涉冬水侵慈姥竹風落孝陵松

野宿從晨釣山居傍夕烽相逢徐孺子多謝郭林宗

輿地志慈姥山積石臨江岸壁峻絕出竹堪為簫管宋梅聖俞有慈姥山石崖上竹鞭記後漢書徐穉傳謂茅容曰為我謝郭林宗大樹將顛非一繩所維何為棲樓不違寧處

范文正公祠

先朝亦復愁元昊臣子何人似范公已見干戈纏海  
內尚畱冠佩託江東含霜晚穗遺田裏噪日寒禽古  
廟中吾欲與公籌大事到今憂樂恐無窮

錢生肅潤之父出示所輯方書

和扁日以遙治術多瞽亂方書浩無涯其言比河漢  
彭鏗有後賢物理恣探玩恥爲俗人學特發仁者歎  
五勞與七傷大抵同所患循方以治之於事亦得半  
條列三十餘有目皆可看略知病所起可以方理斷  
哀哉末世醫誤人已無算頗似郭舍人射覆徒夸誕  
信口道熱寒師心作湯散未達敢嘗之不死乃如綫  
豈如讀古方猶得依畔岸在漢有孝父仁心周里開  
下詔問淳于一篇著醫案如君靜者流嗣子况才彥  
何時遇英明大化同參贊

元旦陵下作

已下旃  
蒙協洽

十載逢元日朝陵有一臣山川通御氣節物到王春  
闕下襍蘇盡江東戰伐新相看園殿切鶴立幾縈神  
是日稱三始何時見國初風雲終日有兵火十年餘  
甲子軒庭口春秋孔壁書幸來京兆里得近帝王居

史記天官書正月欲  
終日有雲有風有日

常熟歸生晟陳生芳績書來以詩答之

十載江村二子偕相逢每詠步兵懷猶看老驥心徧

壯豈惜飛龍羽年乖海上戈船連滬瀆石頭烽火照  
秦淮先朝舊事君休問鼓角淒其滿御街

金陵志烽火樓在石頭城西  
南最高處吳時舉火於此

贈路光祿太平

已下數首皆余蒙難之作先是有僕陸恩服  
事余家三世矣見門祚日微叛而投里豪余  
持之急乃欲陷余重案余聞亟擒之數其罪  
沈諸水其壻復投豪訟之郡行千金求殺余  
余既待訊法當囚繫乃不之獄曹而執諸豪  
奴之家同人不平爲代愬之兵備使者移獄  
松江府以殺奴論豪計不行而余有戒心乃

浩然有山東之行矣

弱冠追三古中年賦二京一門更喪亂七尺尚崢嶸  
江海存微息山陵鑿本誠落萁裁十畝覆草只三楹  
變故興奴隸莽蜂出里閔彌天成夏網畫地類秦阮  
獄卒逢田甲刑官屬甯成文浚從鍛鍊事急費經營  
節俠多燕趙交親即弟兄周旋如一日忼慨見平生  
疾苦頻存問阨危得拄撐不侵貞士諾逾篤故人情  
木向猿聲老江隨虎跡清更承身世畫不覺涕霑纓

呂氏春秋湯見祝網者置四面其祝曰從天墜者從地出者從四方來者皆  
罹吾網湯曰嘻盡之矣非桀其孰爲此晉傅元詩夏桀爲無道密網施山阿

訓王生仍

故國羈人怨誹浚感君來往數相尋都將文字銷餘

日難把幽憂損壯心演易已成殷牖蹟援琴猶學楚  
囚音黧顏白髮非前似只有新詩尚苦吟

梁庾肩吾詩  
殷牖交難蹟

### 永夜

永夜刀鳴動箭中起看征鴈各西東山憐虎阜從波  
涌路識閭門與帝通待客荆卿愁日晚艤舟漁父畏  
天風當時多少金蘭友此際心期未許同

晉王珣虎邱山銘虎丘山先名海涌山孫權記注  
曰吳西郭門曰閭門夫差作以天門通閭闔故名之

### 訓陳生芳績

百里相思路阻紆每承遺札訊何如絕交已廣朱生  
論發憤終成太史書笠澤水清連底日虞山葉落到

根初從今世事無煩問但掩衡門學種蔬

### 贈路舍人

自分寒灰即溺餘非君那得更吹噓窮交義重千金  
許疾吏情淡一上書大麓陽飈回宿草岷江春水下  
枯魚丁寧未忍津頭別此去防身計莫疎

漢書路溫舒傳疾  
吏之風悲痛之辭

### 贈錢行人邦寅

丹徒人

李白真狂客江淹本恨人生涯從吏議直道託羣倫  
之子才名重相知管鮑親起風還鷁羽決海動龍鱗  
孤憤心尤烈窮愁氣未申彫年黃浦雪殘臘玉山春  
貫日精誠久回天事業新南徐游歷地儻有和歌辰

江淹恨賦僕木恨人  
鮑照舞鶴賦急景彫年

松江別張處士慤王處士煒暨諸友人

已下柔兆君灘

十載違鄉縣三年旅舊都風期嘗磊落節行特崎嶇  
坐識人倫傑行知國器殊論兵甲起翦畫計小陰符  
世事陵夷極生涯閱歷枯人情來輔藉鬼語得挪揄  
郭解多從客田儵自縛奴事危先與手法定必行誅  
義洩神人憤歡騰里閭呼匣餘剗兇劔橐解射狼弧  
卦值明夷晦時逢聽訟孚邑豪方齷齪獄吏實求須  
裳帛經時裂南冠累月拘橐餽誰問遺衣食但支吾  
薄俗吳趨最危巖蜀道俱每煩疑載鬼動是泣岐塗  
畜是樊中雉巢鄰幕上烏霜因鄒衍下日為魯陽驅

抱直來東土含愁到海隅春生三泖泚雪盡九峰紆  
異郡情猶徹同人道不孤未窮憐舌在垂死覺心蘇  
大義摧牙角浚懷壺尾胡奸雄頻斂手國士一張鬚  
知己憐三釁名流重八厨欲將方寸報惟有漢東珠

史記田儵傳田儵詳為縛其奴從少年之廷 宋書薛安都傳小子無宜通  
卿往與手甚快通鑑字文化及揚言曰何用持此物出亟還與手胡三省注  
與手魏齊間人率有是言言與之毒手而殺之也 左  
傳昭公元年叔孫召使者裂裳帛而與之曰帶其編矣

### 贈潘節士檀章

北□一崩淪國史遂中絕二十有四年記注亦殘缺  
中更□與賊出入互轆轤亾城與破軍紛錯難具說  
三案多是非反覆同一轍始終為門戶竟與國俱滅  
我欲問計吏朝會非王都我欲登蘭臺祕書入東虞

文武道未亾臣子不敢誣竄身雲夢中幸與國典俱  
有志述三朝并及海宇圖一書未及成觸此憂患途  
同方有潘子自小耽文史犖然持巨筆直溯明興始  
謂惟司馬遷作書有條理自餘數十家克棟徒爲爾  
上下三百年粲然得綱紀索居患無朋何意來金陵  
家在鍾山旁雲端接觚稜親見高帝時日月東方升  
山川發秀麗人物流名稱到今口氣存疑有龍虎興  
把酒爲君道千秋事難討一代多文章相隨沒幽草  
城無絃誦生柱歿藏書老同文化支字劫火燒豐鎬  
自非尼父生六經亦焉保夏亾傳禹貢周衰垂六官  
後王有所憑蒼生蒙治安皇祖昔賓天天地千年寒

聞知有小臣復見文物完此人聘珍此書藏名山  
顧我雖逢掖猶然抱遺冊定哀三世間所歷如旦夕  
頗聞董生語曾對西都客期君共編摩不墜文獻迹  
便當挈殘書過爾溪上宅

戰國策吳與楚戰于柏舉三戰入郢君王身出大夫悉屬云百姓離散蒙穀結  
鬪於宮唐之上舍鬪奔郢遂入大宮負雞次之典以浮於江逃於雲夢之中  
昭王反郢五官失注百姓昏亂蒙穀獻曲五  
官得法而百姓大治蒙穀之功與存國相若

閏五月十日恭詣孝陵

忌日仍逢閏星躔近一周空山傳御幄第路想行騶  
寢殿神衣出祠官玉笋收蒸嘗憑絕隄靴磬託荒阡  
薄海哀思結遺臣涕淚稠禮應求草野心可對元幽  
寥落存王事依稀奉月游尚餘歌頌在長此侑春秋

國語道弗不可行也 漢書孝平紀元始元年二月乙未義陵寢神衣在柙  
中丙申巨衣在外牀上寢令以急變聞用太牢祠 王莽傳地皇元年十月  
杜陵便殿乘輿虎文衣廢藏在室匣中者出自樹  
立外堂土良久乃委地更卒見者以聞莽惡之

王處士自松江來拜陵畢遂往蕪湖

宵來騎白馬躡電向鍾山忽遇窮途伴相將一哭還  
君來猶五月不逐秦淮節攜手宿荒郊行吟對宮闕  
此去到蕪湖山光似舊無若經巡幸地為我少踟躕

桃葉歌

桃葉歌宛轉舊日秦淮水清淺此曲之興自早晚  
青溪橋邊日欲斜白土岡下驅虞車越州女子顏如  
花中官采取來天家可憐馬上彈琵琶三月桃花四  
月葉已報北兵屯六合官車塞上行塞馬江東獵桃

葉復桃根殘英委白門相逢冶城下猶有六朝魂

隋書五行志陳時江南盛歌王獻之桃葉詞云桃葉復桃葉渡江不用櫂  
但渡無所苦我自迎接汝及隋晉王廣伐岫置營桃葉山下及韓擒虎渡江  
大將任蠻奴至新林以導北軍此其應也 隋書藝術傳樂人王令言妙達  
音律大業未煬帝將幸江都令言之子嘗從於戶外彈胡琵琶作翻調安公  
子曲令言時臥室中聞之大驚蹶然而  
起曰變變急呼其子曰此曲與自早晚

黃侍中祠 在南京三山門外柵洪橋

侍中名觀洪武二十四年殿試第一建文末

奉詔募兵安慶聞南京不守自沈於江其妻

翁氏及二女為官所簿錄將給配象奴亦赴

水死後人即其葬地為侍中立祠

侍中祠下水奔渾有客悲歌叩郭門古木夜交貞女

冢光風春返大夫魂先朝侍從多忠節當代科名一

狀元莫道河山今便改國於天地鎮長存

左傳昭公元年秦后子曰國於天地有與立焉

王徵君潢具舟城西同楚二沙門小坐柵洪橋

下

大江從西來東抵長干岡至今號柵洪對城橫石梁

此橋蓋古時立柵處本當名柵江後訛為洪耳猶射江之為射洪也

落日照金陵火旻生秋涼都城

久塵空出郊且相羊客有五六人鼓柺歌滄浪盤中

設瓜果几案羅酒漿上坐老沙門舊日名省郎

熊君開元

折帝廷檻幾死丹陛旁天子自明聖畢竟誅安昌南

走侍密勿一身再奔亾復有一少者沈毅大非常

釋名

不肯道姓名世莫知行藏其餘君子鬚眉各軒昂

為我操南音未言神已傷流賊自中州楚實當其吭

出入十五郡南國無安疆血成江漢流骨與滿廬望

赫怒我先帝親遣元臣行北落開和門三台動光芒

一旦實大命藩后殘荆襄遂令三楚間哀哉久戰場

寧南佩侯印忽焉竟披猖

寧南侯左良王

稱兵據上流以國資

東陽豈無材略士忍死奔遐荒落鴈衡北回窮鳥樹

南翔可憐洞庭水遺烈存中湘

何騰蛟追封中湘王

連營十三鎮

恣肆無朝綱夜半相誅屠三宮離武岡黔中亦楚地

君長皆印章國家有驅除往往用土狼積雨閉摩泥

毒流漲昆明蠻陬地斗絕極目天茫茫頃者西方兵

連歲爭辰陽心悼口屋遠眼倦烽火忙楚雖三戶存



其人故倔彊崎嶇二君子志意不□□鄭公抗忠貞  
左徒吐潔芳舉頭是青天不見二曜光何意多同心  
合沓來諸方僕本吳趨士雅志陵秋霜適來新亭宴  
得共賓主觴戮力事神州斯言固難忘我寧爲楚囚  
流涕空霑裳

宋史天文志北落師門一星在羽林軍南北者  
宿在北方落者天軍之藩落也師門猶軍門

### 攝山

徵君舊宅此山中  
山館孱顏往蹟空  
藥徑春添千嶂  
雨松厓夜起六朝風  
忘情魚鳥天機合  
適意川巖物  
象同一入籬門人  
世別幾人能  
不拜蕭公

漢書司馬相如傳放散畔岸驥以孱顏顏古曰孱顏不齊也  
宮苑記舊京南北兩岸籬門五十六所益京邑之郊也江左初立並用籬爲之故曰

籬門南齊書王儉傳宋世外六門設竹籬建九初有發白  
虎樽者言白門三重門竹籬穿不完上感其言改立都牆

### 賈倉部必選說易

昔年清望動公車  
此日耆英有幾家  
古注已聞傳孟  
喜遺文仍許授侯芭  
竹牀排硯頻添墨  
石屋支鐺旋  
煮茶更說都城防寇事  
至今流涕賈長沙

漢書儒林傳蜀人趙賓好小數書後爲易持  
論巧慧易家不能難云受孟喜喜爲名之

### 旅中

久客仍流轉  
愁人獨遠征  
釜遭行路奪  
席與舍兒爭  
混跡同傭販  
甘心變姓名  
寒依車下草  
饑糝鑿中羹  
浦鴈先秋到  
關雞候旦鳴  
蹠穿山更險  
船破浪猶橫  
疾病年來有  
衣裝日漸輕  
榮枯心易感  
得喪理難平

默坐悲先代勞歌念一生買臣將五十何處謁承明  
訓王處士九日見懷之作

是日驚秋老相望各一涯離懷銷濁酒愁眼見黃花  
天地存肝膽江山閱鬢華多蒙千里訊逐客已無家  
送張山人應鼎還江陰

舊京秋色轉霏微目送毘陵一鴈飛笑我畏人能久  
客嗟君懷土便思歸風高海氣龍王廟水落江聲燕  
子磯卉布家鄉多已作此行須換芟荷衣

陳生芳績兩尊人先後即世適皆以三月十九  
日追痛之作詞旨哀惻依韻奉和

一生愁恨集今辰尚有微軀繫五倫淚盡宛詩言我

日悲淚魯史筆王春山頭馬鬣封抓子天上龍髯從

二親畱此一絲忠孝在三綱終古不曾淪

帝后登遐一忌辰天□□□世無倫那知考妣還同

日從此河山遂不春宏演納肝猶報主王哀泣血倍

思親人寰尚有遺民在大節難隨九鼎淪

梁書邵陵王綸傳大敵猶強天□未雪

亭林詩集卷之二終

亭林詩集卷之三

元日

已下疆  
圍作疆

晨興自江上踰嶺走鍾山肅然至殿門雙扉護重關  
初日照宮闕隱映城郭間空山寂無人獨來拜榛菅  
流轉雖不居咫尺猶天顏喜會牧馬收岡巒乍清閒  
歲序一更新陽風動人寰佇口龍虎氣得與春光還  
復想在宥初蒼生願重攀

杜子美詩武德開  
元際蒼生豈重攀

萊州

海右稱名郡齊東亦大都山形當斗入人質竝魁梧  
月主秦祠廢沙壇漢蹟孤已無巡狩蹕尚有戎軍郭

漉海鹽千斛栽岡棗萬株鼉梁通日際蜃市接神區  
轉漕新河格分營絕島迂三方從廟算二撫各兵符  
天啓初議三方布 礮甲初傳造戈鋌已擊屠中丞愁餌賊  
謝太守痛捐軀年朱萬 郊壘青燐出城陴白骨枯危情隨  
事往深慮逐年徂計士悲疵國遺民想霸圖登臨多  
感槩莫笑一窮儒

史記封禪書成山斗入海 又曰八神六日月主祀之萊山 又曰天子乃禱萬里沙應劭曰萬里沙神祠也在東萊曲成 書大誥天降威知我國有疵

安平君祠 在即墨縣今廢

太息全齊霸業遺如君真是一男兒功成棧道迎王  
日志決危城仗鋪時饑鳥尚銜庭下粒老牛猶飲穴

邊池可憐王建降秦後千古無人解出奇

不其山 漢不其縣有康成書院今廢

荒山書院有人耕不記山名與縣名為問黃山滿人  
下可能容得鄭康成

後漢書鄭元傳自徐州還高密道遇黃巾賊數萬人見元皆拜相約不敢入縣境

勞山歌

勞山拔地九千丈崔嵬勢壓齊之東下視大海出日  
月上接元氣包鴻濛幽巖秘洞難具狀煙霧合沓來  
千峰華樓獨收衆山景一一環立生姿容上有巨峰  
最削劣數載榛莽無人蹤重厓複嶺行未極澗壑窈  
窕來相通天高日入不聞語悄然衆籟如秋冬奇花

名藥絕凡境，世人不識疑天工。云是老子曾過此，後  
有濟北黃石公，至今號作神人宅。憑高結構畱仙宮，  
吾聞東嶽泰山爲最大，虞帝柴望秦皇封其東。直走  
千餘里，山形不絕連虛空。自此一山奠海右，截然世  
界稱域中。以外島嶼不可計，紛紛出沒多魚龍。八神  
祠宇在其內，往往碁置生金銅。古言齊國之富臨淄  
次即墨，何以滿目皆蒿蓬。捕魚山之旁，伐木山之中。  
猶見山樵與村童，春日會鼓聲逢逢。此山之南過岱  
宗，或者其讓雲雨功。宣氣生物理則同，旁薄萬古無  
終窮。何時結屋依長松，嘯歌山椒一老翁。

說文山宣也宣  
氣散生萬物

### 張饒州允掄山中彈琴

趙公化去時，一琴遺使君。五年作太守，却反東臯耘。  
有時意不愜，來躡勞山雲。臨風發宮商，二氣相網緼。  
可憐成連意，空山無人聞。我欲從君棲，山厓與海濱。

### 淮北大雨

秋水橫流下者巢，踰淮百里即荒郊。已知舉世皆行  
潦，且復因人賦苦匏。極浦雲垂翔濕鴈，溪山雷動起  
潛蛟。人生只是居家慣，江海曾如水一均。

國語匏苦不材  
於人甚濟而已

### 濟南

落日天邊見二峰，平臨湖上出芙蓉。西來水竇綠王

屋南去山根接岱宗積氣蒼茫含斗宿餘波灩澦吐  
魚龍還思北海亭中客勝會良時不可逢

水竚墻崩竹樹疎廿年重說陷城初荒涼王府餘山  
沼寥落軍營識舊墟百戰只今愁海岱一麾猶足定  
青徐經生老却成何事坐擁三冬萬卷書

賦得秋柳

昔日金枝間白花只今搖落向天涯條空不繫長征  
馬葉少難藏覓宿鴉老去桓公重出塞罷官陶令乍  
歸家先皇王座靈和殿淚灑西風夕日斜

南史宋武帝植蜀柳數株於靈和殿前  
唐李商隱詩腸斷靈和殿先皇玉座空

謝徐處士元善昔年新城之陷其母死焉故有

此作

桓臺風木正蕭辰傾蓋知心誼獨親季子已無觀樂  
地偉元終是泣詩人愁看落日燕山夜畏見荒江郢  
樹春

來書勸爲長  
平承天之行  
山東名勝志新城縣東有戲  
馬臺相傳齊桓公歇馬於此

登岱

已下著  
雍闥茂

尼父道不行喟然念泰山空垂六經文不覩西周年  
七十二君代乃有封禪壇書傳多荒忽誰能信其然  
既嘗小天下復觀邃古前羲黃與堯舜蕩滅同雲煙  
社首卑附地徂徠高摩天下視大海旁神州自相連  
天地有變虧何人得昇仙遺弓名烏號橋山葬衣冠

末世久澆訛孰探幽明原三萬六千年山崩黃河乾  
立石既已刊封松既已殘太陽不東昇長夜何漫漫  
哀哉一顏淵獨立瞻吳門疲精不肯休計畫無崖垠  
復有孟子與眷眷明堂言庶幾大道還民質如初元  
上采黃金成下塞宣房湍何時一見之太息徒潺湲  
易山附于地 史記封禪書樂大言臣之師曰黃  
金可成而河決可塞不死之藥可得仙人可致也

謁夫子廟

道統三王大功超二帝優斯文垂彖繫吾志在春秋  
車服先公制威儀弟子修宅聞絲竹響壁有簡編畱  
俎豆傳千葉章逢被九州獨全兵火代不藉廟堂謀  
老檜當庭發清洙繞墓流一來瞻闕里如得與從遊

杜子美宿鑿石浦詩斯  
文憂患餘聖哲垂彖繫

七十二弟子

亂國誰知爾孤生且辟人危情嘗過宋困志亦從陳  
籥舞虞庠夕弦歌闕里春門人惟季次未肯作家臣

一時同人多  
入官長幕

史記仲尼弟子傳公皙及字季次孔子曰天  
下無道多爲家臣仕於  
郕唯季次未嘗仕

謁周公廟

道化千年後明禋一國中禮猶先世守制北百王崇  
配食唯元子烝嘗編列公祠田還割魯氏系獨傳東  
有祭田碑言周公之  
後東野氏今爲東姓舊史書茅闕新詩采闕宮巋然遺殿在  
不與漢侯同

謁孟子廟

古殿依邾邑高山近孔林游從齊魏老功績禹周淡  
孝弟先王業耕桑海內心期應過七百運豈厄當今  
辯說千秋奉精靈故國歆四基岡上柏凝望轉蕭森

大明一統志四基山在鄒縣東北三十里  
山頂四石狀類臺基其西麓即孟子墓

鄒平張公子萬斛園上小集各賦一物得桔槔

鑿木前人制收泉易卦稱天機無害道人巧合成能  
壤脉涓涓出川流掇掇升入晴常作雨當暑欲生冰  
菜甲青塹地花容赤繞塍彌令幽興劇頓使化工增  
坐愛平畦廣行憐曲水澄灌園今莫笑此地近於陵

莊子鑿木為機後重前輕挈水若抽數如沃  
湯其名為槔易井收勿幕又曰震為其

張隱君元明於園中寘一小石龕曰仙隱祠徵

詩紀之

白日浮雲隔幾重三山王嶽漫相逢搗來未得從黃  
石老至先思伴赤松哲士有懷多述酒英流無事且  
明農猶憐末俗愚難寤故作幽龕小座供

百尺松陰十畝園此中人物似桃源衣冠俎豆猶三  
代雞犬桑麻自一村垣外白榆隨宿列樹頭青鳥候  
風翻坐來髮鬢疑仙境試問先生笑不言

濟南

湖上荷花歲歲新客中時序自傷神名泉出地環巖  
郭急雨連山淨火旻絕代詩題傳子美近朝文士數



于鱗愁來獨憶辛忠敏老淚無端痛古人

自笑

自笑今年未得歸酒樽詩卷欲何依呼僮向曉牽長  
轡覓軀先冬綻故衣黃耳不來江表信白頭終念故  
山薇無因化作隨陽鴈一逐西風笠澤飛

訓歸祚明戴笠王仍潘檉章四子非溪草堂

句見懷二十韻

異地逢冬節同人會非溪蒼涼悲一別廓落想孤棲  
刻燭初分韻抽毫亦共題雪裝吳苑白雲幕越山低  
清醕傳杯緩哀弦入坐淒詞堪爭日月氣欲吐虹霓  
寫恨工蘇李摠幽劇呂拙風流知不墜肝膽幸無睽

掛帙安牛角擔囊逐馬蹄飄飄過東苑浩蕩適三齊  
息足雲門下停車汶水西岱宗臨日觀梁父躡雲梯  
洞壑來仍異關河去更迷人看秋逝鴈容喚早行雞  
臥冷王章被窮餘范叔緜夢猶經冢宅愁不到中閨  
來詩有親朋愁帶甲  
家合祝添丁之句  
問字誰供酒繙書獨照藜雅言開竹徑  
佳訊發蘭畦遺鯉情偏切班荆意各悽式微君莫賦  
春雨正塗泥

濰縣

人臣遇變時以或愈於死夏祚方中微靡奔一人爾  
二斟有遺跡當日兵所起世人不達權但拜孤山祀

孤山在昌樂縣東  
十里有伯夷廟

左傳昭二十年  
公愈於死先諱

我行適東方將尋孔北海此地有遺風其人已千載  
英名動劉備一為却管亥後此復何人崎嶇但荒壘

### 衡王府

賜履因齊國分枝自憲宗能言皆詔予廣斥盡疏封  
地號東秦古王稱叔父恭穿池通海氣起榭出林容  
嶽里生秋草牛山見夕烽蛇遊宮內道鳥啄殿前松  
失國非奔莒亡王不住共雍門今有歎流涕一相逢

史記齊悼惠王世家諸民能齊言者皆予齊王  
晉書五行志臨淄有大蛇  
長十餘丈負二小蚰入城北門遙然入市入漢城陽王祠中已而齊王問敗

### 督亢

此地猶天府當年竟入秦燕丹不可作千載自懷神

野燒村中夕枯桑壠上春一歸屯占後墟里少遺民

### 京師作

煌煌古燕京金元遞開初初興靖難師遂駐時巡仗  
制掩漢唐閣德儷商周王魏我大明門如翬峙南向  
其陽肇園丘列聖凝靈貺其內廓乾清至尊儼旋績  
繚以皇城垣靚淡擬天上其旁列兩街省寺鬱相望  
經營本睿裁斷削命般匠鼎從郝廓小宅是成周相  
穹然對兩京自古無與抗艷宮遜顯敞未央失宏壯  
西來大行條連天矚崖嶺東盡巫閭支界海看滉漾  
居中守在支臨秋國為防人物竝浩穰風流餘慨忼  
百貨集廣殖九金歸府藏通州船萬艘便門車下兩

縣延祀四六三靈哀板蕩紫塞吟悲茄黃圖布氈帳

獄囚圻父臣王洽郊死凶門將桂悲號煤山緜泣而思

陵葬先皇帝陵今號思陵宗子洎羣臣為岑與黔漲丁年抱國恥

未獲居一障垂老人都門有願無繇償足穿貧士履

首戴狂生盜愁同箕子過悴比湘纍放縱橫數遺事

太息觀今日邲空懷赤伏書虛想雲臺仗不覩舊官儀

惓惓念安傍復思塞上遊汗漫誠何當河西訪賓融

上谷尋耿况聊為舊京辭投毫一吁悵

史記李廣傳以臨右北平盛秋也以籍傳東郭先生久待詔公車貧困飢寒衣徹履不完行雪中履有上無下且盡踐地後漢書逢萌傳首戴瓦盎哭於市曰新

平新平

### 薊州

北上漁陽道陰風倍慘悽窮魚浮淀白孽鳥向林低

故壘餘安史居人半霄奚停驂聊一問幾日到遼西

戰國策鴈從東方來更羸以虛發而下之曰此孽也註孽者謂隱痛於身如孽子也舊唐書北狄傳奚國在京師東北四千餘里東接契丹西至突厥南拒白狼河北至霄國

### 玉田道中

我行至北方所見皆一概豈有田子春尚守盧龍塞

驅車且東之英風宛然在山中無父老故宅恐荒穢

湏水久還流薊州志湏水在豐潤縣西門外凡水東流而此獨西故名曰還鄉河盤山仍面內地

道無虧崩天行有蒙昧騁目一遐觀浩然發浚愷可

憐壯遊人不遇熙明代

### 永平

流落天涯意自如孤蹤終與世情疎馮驩元不曾彈  
缺關令安能強著書榆塞晚花重發後灤河秋鴈獨  
飛初從茲一覽神州去萬里徜徉興有餘

謁夷齊廟

言登孤竹山嶺焉思古聖荒祠寄山椒過者生恭敬  
百里亦足君未肯滑吾性遜國全天倫遠行辟虐政  
甘餓首陽岑不忍臣二姓可爲百世師風操一何勁  
悲哉尼父窮每歷邦君聘楚狂歌鳳衰荷蕢譏擊磬  
自非爲斯人棲棲無乃佞我亦客諸侯猶須善辭命  
終懷耿介心不踐脂韋徑庶幾保平生可以垂神聽

寄弟紆及友人江南

已下屠維  
大淵獻

仲尼一旅人棲棲去齊衛當其在陳時亦設先人祭  
滾哉告孟言緬矣封防制而我亦何爲遠遊及三歲  
前年北踰汝頃者東過薊三世但一身南瞻每揮涕  
未敢廢烝嘗無由辦羊彘粟從仁者求酒向鄰家貰  
庶幾儻來歆精靈眇天際不知自茲往吾駕焉所稅  
世故多屯邅曰歸未成計疚如切中心沒齒安蔬糲

家語孔子厄於陳蔡七日不食子貢以所齋貨竊犯圍而出告糴於野人得  
米一石焉顏回仲由炊之子召顏回曰疇昔子夢見先人豈或啓佑我哉子  
炊而進飭吾將祭焉 北史王慧龍傳自慧龍  
入國三世一身至瓊始有四子 詩疾如疾首

吾家有賜塋近在尚書浦前區百畝田後啓重門堵  
子姓儼成行科名多接武家風萬石傳花竹平泉圃  
蟬聯二百祀魂魄猶茲土一旦閱滄桑他人代爲主

痛我遊子身中年遭薄祜驅車去關河行行遠豺虎  
親朋不可見何況予同父碌碌想阿奴耕田故辛苦  
行者歎四方居者愁門戶豈爲別離哀努力念爾祖

陸士衡贈從兄車騎詩營  
魄懷茲土精爽若飛沈

自昔遘難初城邑遭屠割幾同趙卒坑獨此一人活  
既偷須臾生詎敢辭播越十年四五遷今復客天末  
田園已侵并書卷亦剽奪尚虞陷微文雉羅不自脫  
却喜對山川壯懷稍開豁秉心在忠信持身類迂澗  
朋友多相憐此志貫窮達雖鄰河伯居未肯求响沫  
出國每徒行花時猶衣褐以此報知交無爲久惻怛

山海關

芒芒碣石東此關自天作粵惟中山王經營始開拓  
東支限重門幽州截垠堦前海彌浩漾後嶺橫峯巒  
紫塞爲周垣蒼山爲鎖鑰緬思開創初設險制東索  
中葉徂康娛小有干王略撫順矢初穿廣寧旗已落  
抱頭化貞逃束手廷弼却駸駸河以西千里屯氈幕  
關外修八城指麾煩內閣孫承宗楊公嗣昌築二翼東西立  
羅郭時稱節鎮雄頗折氛祲惡神京既顛隕國勢靡  
所託啓關元帥降敵血名王諾自此來域中土崩無  
鬪格海燕春乳樓塞鷹曉飛泊□□竟爲灰六州難  
鑄錯

通鑑羅紹威召朱全忠盡歿魏博牙軍雖去其逼而魏兵自是衰弱紹威悔  
之謂人曰合六州四十三縣鐵不能爲此錯也注錯鑿也又誤也羅以殺牙

軍之誤取  
鑄錯為翁

### 望夫石

威遠臺前春草萋望夫岡畔夜烏啼  
九枝白日扶桑上萬壘蒼山大海西  
國是祗憑三寸舌老謀終惜一丸泥  
愁心欲共秦貞女目斷天涯路轉迷

山海經陽谷上有扶桑十日所浴居水中有大木九日居下枝一日居上枝新序楚莊王問於孫叔敖曰寡人未得所以為國是也孫叔敖曰國之有是眾非之所惡也臣恐王之不能定也晉語卻叔虎曰既無老謀而又無壯事何以事君

### 昌黎

彈丸餘小邑固守作東藩  
列郡誰能比雄關賴此存  
霜槎春若出風葉夜旗翻  
欲問嬰城事聲吞不敢言

### 三屯營

三屯山勢鬱崢嶸少保當年此建旌  
名似北平臨宿將制如河上築降城  
忠祠日落來山鬼武庫苔封蝕  
禁兵三忠祠在城南山上城西小門內有神器庫一望幽燕人物盡頽垣  
荒草不勝情

### 恭謁天壽山十三陵

成祖昔定都乃省茲山陽羣山自天來  
勢若蛟龍翔東趾據盧龍西脊馳太行  
後尻坐黃花前面臨神京中有萬年宅  
名曰康家莊可容百萬人豁然開明堂  
維時將作臣奉旨趨傍傍盛德比霸杜  
宏規軼灑邱雷電驅元冥白雲升帝鄉  
三光墜榆木窮北回輻輳駢駢金粟堆  
寂寞橋山藏右獻左次景裕茂迤西旁

泰陵在茂西稍折南維康永陵在東南規模特恢張  
礪石爲元墀丹青煥雕梁昭近九龍池定依昭左方  
其制亦如永工麗踰孝長慶居獻西隅德奠永東岡  
環山數十里松栢參天蒼列宗每駕朝百執恒趨蹌  
一年祭三舉侍從來班揚詩追安世歌典與郊禘光  
自傷下土臣不睹昭代章天禍降宗國滅我聖哲王  
渴葬池水南靈宮迫妃殤上無寶城制周帀唯甃牆  
下有中涓墳陪葬義所當殿上立三主竝列田娘娘  
問此何代禮哽咽不可詳麥飯提一簞棗榛提一筐  
村酒與山蔬一一自攜將下階拜稽首出涕雙浪浪  
主祭非曾孫降假非宗祊重上諸陵間裴回復彷徨

茂陵樹千株獨立不受戕門闔尚完具上頭安御牀  
自康以接慶小樹多榆枋殿樓盡黃瓦逶迤各相望  
康昭二明樓竝遭劫火亾定陵毀大殿以及東西廊  
餘陵半無門累甃仍支宋尚存宰牲亭暨外諸監房  
石人十有二袍笏兼戎裝六獸柱則四制與鍾山亢  
跨以七孔橋峙以白石坊仁宗所製碑首萃當中央  
行宮已頽壞御路徒荒涼每陵二太監猶自稱司香  
人給地數畷把耒耕山塲春秋祭碑下共用一豕羊  
皆云牧騎來斫伐尤披猖并力與之爭僅得保界疆  
有盜貴妃冢斬首竿以槍於時姦究民瞿然始懲創  
繞陵凡六口六口各有兵一陵立一衛衛設屯與倉

居庸有總兵昌平有侍郎一朝盡散逆無復陵京防  
燕山自戕我沙河自湯湯皇天自高高后土自芒芒  
下痛萬赤子上呼十□□□□不聞籲天天無常  
幽都蹲□伯九關飛虎俛日月相蝕虧列宿為參商  
自古有殂落劇哉哀姚黃從臣去鼎湖二妃沈江湘  
倉皇一杯土十五零秋霜天□未可億□心未可量  
仲華□西京崔損修中唐誰能寄此詩雅頌同洋洋

楊雄甘泉賦崇邱陵之駸駸兮師古注曰高大之狀 司馬相如子虛賦硤石砥礪注張揖曰硤石白者如冰半有赤色 公羊傳不及時而日渴葬也 注喻急也釋名日月未滿而葬曰渴 唐詩德宗紀貞元十四年以左諫議大夫平章事崔損為修奉入陵使先是昭陵寢殿為火所焚至是獻昭乾定泰五陵各造屋三百七十八間橋陵一百四十間元陵三十間惟建陵仍舊但修葺而已陵寢中牀褥惟懼一事以上帝皆親自閱視然後授損送於陵

王太監墓

先帝賓天日諸臣孰扈從中涓能一死大節獨從容  
地切山陵闕魂扶輦御恭遠同高力士陪葬哭元宗

唐書高力士傳力士配流黔中赦歸至朗州聞上皇厭代北望號慟嘔血而卒代宗以其耆宿保護先朝贈揚州大都督陪葬泰陵

劉諫議祠

在昌平舊縣今廢

阜囊青史漫傳名白日黃泉氣未平自古國凶緣宦  
者可憐身沒尚書生荒阡草長妖狐出舊驛風寒劣  
馬行一自德陵升馭後山河祠廟總淪傾

居庸關

居庸突兀倚青天一澗泉流鳥道懸終古戍兵煩下  
口□朝陵寢託雄邊車穿褊峽鳴禽裏烽點重岡落



鴈前燕代經過多感慨不關遊子思風煙

魏書常景傳都督元譚據居庸下口亦作夏口北齊書文宣紀築長城自幽州北夏口至恒州九百餘里即今之南口也 水經注居庸關山岫層溪側道編坡林郭據險路才容軌曉禽暮獸寒 鳴相和羈官游子聆之者莫不傷思矣

極目危巒望八荒浮雲夕日徧山黃金收朔地當年  
大不斷秦城自古長北狩千官隨土木西來羣盜失  
金湯空山向晚城先閉寥落居人畏虎狼

陳江總作魯廣達墓銘  
曰災流淮海險失金湯

重登靈巖

在長清縣東南九十里

重來絕巘一攀緣壞閣崔嵬起暮煙山靜鼯猿棲佛  
地堂空龍象散諸天芟林果熟紅椒後入定僧歸白  
鶴前寺有雙鶴泉莫問江南身世事殘金兵火一淒然寺自宋以來取

盛金末侯擊屯兵張汝楫據守而寺元墟矣

秋雨

生無一錐土常有四海心流轉三數年不得歸園林  
蹠地每塗淖關天久曠陰尚冀異州賢山川恣搜尋  
秋雨合淮泗一望無高淡眼中隔泰山斧柯未能任  
車沒斷崖底路轉崇岡岑客子何所之停驂且長吟  
夸父念西渴精衛憐東沈何以解吾懷嗣宗有遺音

後漢書梁鴻傳冀異州今尚賢 孔子龜山操  
子欲望魯兮龜山蔽之手無斧柯奈龜山何

與江南諸子別

絕塞飄零苦著書竭來行李問何如雲生岱北天多  
雨水決淮孺地上魚濁酒不忘千載上荒雞猶唱二

鴈前燕代經過多感慨不關遊子思風煙

魏書常景傳都督元譚據居庸下口亦作夏口北齊書文宣紀築長城自幽州北夏口至恒州九百餘里即今之南口也 水經注居庸關山岫層澗側道褊峻林郭據險路才容軌曉禽暮獸寒鳴相和羈官游子聆之者莫不傷思矣

極目危巒望八荒浮雲夕日徧山黃金收朔地當年  
大不斷秦城自古長北狩千官隨土木西來羣盜失  
金湯空山向晚城先閉寥落居人畏虎狼

陳江總作魯廣達墓銘曰災流淮海險失金湯

重登靈巖 在長清縣東南九十里

重來絕巘一攀緣壞閣崔嵬起暮煙山靜鼯猿棲佛  
地堂空龍象散諸天芟林果熟紅椒後入定僧歸白  
鶴前 寺有雙鶴泉 莫問江南身世事殘金兵火一淒然 寺自宋以來取

盛金末侯擊屯兵張汝楫據守而寺元墟矣

### 秋雨

生無一錐土常有四海心流轉三數年不得歸園林  
蹠地每塗淖闕天久曠陰尚冀異州賢山川恣撿尋  
秋雨合淮泗一望無高淡眼中隔泰山斧柯未能任  
車沒斷崖底路轉崇岡岑客子何所之停驂且長吟  
夸父念西渴精衛憐東沈何以解吾懷嗣宗有遺音

後漢書梁鴻傳冀異州今尚賢 孔子龜山操子欲望魯兮龜山蔽之手無斧柯奈龜山何

### 與江南諸子別

絕塞飄零苦著書揭來行李問何如雲生岱北天多  
雨水決淮壩地上魚濁酒不忘千載上荒雞猶唱二

更餘諸公莫效王尼歎隨處容身足草廬

杜子美簡王明府詩行李須相問 史記秦始皇八年河魚大上漢書五行志魚逆流而上也 北史劉豐傳王思政據長社民訛言大魚道上行豐建水攻之策遏洧水灌城水長魚鼈皆遊焉城遂陷 管輅別傳雞一二更鳴者為荒雞 晉書王尼傳尼早喪婦有一子無居宅唯畜露車有牛一頭每行輒使御之暮則共宿車上嘗歎曰滄海橫流處處不安也

### 天津

文皇都北平始建天津衛內以輔神京外徹溟海際  
南北瀉兩河吐納百川細輓漕日夜來貢賦無留滯  
重臣鎮其間鼎足分宣薊豈惟念輸將隱然存大計  
孽盜踵巢芝共主非幽厲曾無一矢遺歛啓都城閉  
馬嵬止元宗曹陽宿獻帝雖云兩日程乘輿豈能詣  
先帝一出宮洞然知國勢與其蹈危塗不若宮中縊

嗚呼事一乖宇宙遂顛蹶開府固庸才奉頭竟南逝

巡撫馮元勳 仙言曲突謀縱有亦奚濟何人為史官直筆掃

蕪翳登陴望九門臨風灑哀涕

### 舊滄洲

落日空城內停驂問路岐曾經看百戰唯有一後猊

### 再謁天壽山陵

已下上章困敦

諸陵何崔嵬不改蒼然色下蟠厚地滾上峻青天極  
佳氣鬱葱葱靈長詎可測云何月遊路坐見塞塵偪  
空勞牲醴陳微寘神□食仁言人所欣甘言人所惑  
小修此陵園大屑我□□竭來復仲春再拜翦荆棘  
臣子分則同駿奔誰共職區區犬馬心媿乏匡扶力

送王文學麗正歸新安

兩年相遇都門道只有王生是故人  
原廟松楸頻眺望夾城花萼屢經巡  
悲歌絕塞將歸客學劍空山未  
老身生舊在侍  
郎聲幕府貫得一杯燕市酒傾來和淚溼車輪

答徐甥乾學

轉蓬枯質自來輕繞樹孤棲尚未成  
守兔江湄遲夜月飲牛澗底觸秋聲  
孤單苦憶難兄弟薄劣煩呼似  
舅甥今日燕臺何邂逅數年心事一班荆

鮑照擬古詩有國有儒生迷方獨  
淪誤代木清江清設且守兔免

白下

白下西風落葉侵重來此地一登臨  
清笳皓月秋依

壘野燒寒星夜出林萬古河山應有主  
頻年戈甲苦相尋從教一掬新亭淚  
江水平添十丈深

重謁孝陵

舊識中官及老僧相看多怪往來曾  
問君何事三千里春謁長陵秋孝陵

贈林處士古度

老者人所敬於今乃賤之臨財但苟得  
不復知廉維五官既不全造請無虛時  
趙孟語諄諄煩亂不可治期頤悲褚淵  
耄齒嗟蘇威以此住人間動輒為世嗤  
嶷嶷林先生自小工文辭彬彬萬歷中  
名碩相因依高會白下亭卜築清溪湄  
同心游岱宗誼友從湘纍

江山忽改色草木皆枯萎受命松柏獨不改青青姿  
今年八十一小字書新詩方正既無詘聰明矧未衰  
吾聞王者興巡狩名山來百年且就見况德為人師  
唯此耆成人皇天所憇遺以洗多壽辱以作邦家基

漢書東方朔傳老者人所敬也南史褚淵傳齊受禪拜司徒賓客滿坐其  
兄炤歎曰彥回少立名行何意披獨至此門戶不幸復有今日之拜使彥回  
作中書郎而死不當是一名士邪名德不昌乃復有期頤之壽隋書蘇威  
傳大唐秦王平王克坐於東都閣闔門內威請謁見稱老病不能拜起王遣  
人數之曰公隋朝宰輔政亂不能匡救遂令品物塗炭君弑國亡見李密王  
克皆拜伏舞蹈今既老病無勞相見也尋歸長安至朝堂請見又不許卒於  
家年八十八莊子受命於地唯松柏獨也冬夏青青  
書康誥汝丕遠惟商耆成人莊子多壽則多辱

贈黃職方師正 建陽人

黃君濟川才大器晚成就一出事君王牧馬踰嶺岫  
元臣舉國降羽葆蒙塵狩崎嶇遂奔亾空山侶猿狖

蕭然治城側窮巷一廬儼數口費經營索飯兼稗幼  
清操獨介然片言便拂袖常思驅五丁一起天柱仆  
微誠抱區區時命乃大謬南望建陽山荒阡餘石獸  
生違鹿柴居死欠狐邱首矢口為詩文吐言每奇秀  
揚州九月中煨芋試新酎猛志雷破山劇談河放溜  
否終當自傾佇待名賢救落落口等存一繩維宇宙

杭州 已下重光赤奮若

宋世都臨安江山已失據猶誇天目山龍翔而鳳翥  
重江險足憑百貨東南聚於此號行都六帝鑾輿駐  
西輸楚蜀資北擁淮海戍湖光映翠愚山色連宮樹  
兩國罷干戈君臣日遊豫襄樊一陷沒千里無完固

梵唄響殿庭番僧相陵墓天運亦何常以此思其懼  
 浙西錢穀地不以封宗室南渡始僑藩懿親藉丞弼  
 序非涿郡疎德則琅邪匹如何負展謀蒼黃止三日  
 那肱召周軍北庭王衛律所以敵國人盡得我虛實  
 青絲江上來朱邱城中出一代都人士盡屈旃裘郝  
 誰為斬逆臣一奮南史筆

北齊書高阿那肱傳後主還鄴待衛逃散惟那肱及內官數十騎從行後主  
 走度太行令那肱以數千人投濟州關仍遣規候每奏云周軍未至且在青  
 州集兵未須南行及周將尉遲迥至關肱遂降時人皆云肱表款周武必仰  
 生致齊主故不速報兵至使後主被擒肱至長安授大將軍封郡公為隆州  
 刺史

禹陵

大禹巡南守相傳此地崩禮同虞帝陟神契鼎湖升

窈石形模古墟宮世代仍探奇疑是穴考典或言陵  
 玉帛千年會山河一氣憑御香來敕使主守付髡僧  
 樹暗巖雲積苔溪壑雨蒸鵲鷗呼冢柏蝙蝠下祠燈  
 餘烈猶於越分封竝祀鄫國詒明德胙人有霸圖稱  
 往者三光墜江干一障乘投戈降北固授子守西興  
 冲主常虛已謀臣動自矜普天皆竄祿無地使賢能  
 合戰山回霧窮追海踐冰蠹城迷白草鏡沼爛紅菱  
 樵採岡林徧弓刀塢壁增遺文畱仆碣反徑長荒藤  
 望古頻搔首嗟今更撫膺會稽山色好悽惻獨攀登

史記越世家贊越世世為公侯蓋禹之餘烈也周語有夏雖衰祀鄫猶在  
 左傳授師子焉以伐隨通鑑慕容皝攻慕容仁時海凍皝自昌黎東踐  
 冰而進越絕書防塢者越所以過吳軍也杭塢  
 者句踐杭也二百石長員卒七士人度之會夷

宋六陵

六陵饒荆榛白日愁春雨山原互起伏井邑猶成聚  
偃折冬青枝哀哀叫杜宇海水再桑田江頭動金鼓  
躡屩一遷逡淚灑攢宮土

楚辭九章遷後次而勿驅兮聊假日以須時洪祖興補注遷逡猶逡巡行不進貌逡七旬反

顏神山中見橘

黃苞綠葉似荆南立雪凌寒性自甘但得靈均長結  
伴顏神山下即江潭

三月十九日有事於攢宮時聞□國之報

已下元默攝提格

此日空階薦一觴軒臺雲氣久芒芒時來夏□還□  
祀識定凡君自未亾宿鳥乍歸陵樹穩春花初放果

園香年年露灑頻寒食咫尺龍髯近帝旁

莊子楚王與凡君坐少焉楚王左右曰凡亾者三凡君曰凡之亾也不足以喪吾存夫凡之亾不足以喪吾存則楚之存不足以存存由是觀之則凡未始亾而楚未始存也

古北口

漢家亭障接山南光祿臺空倚夕嵐戍卒耕田烽火  
寂唯餘城下一茅菴

歲歲飛鴻出口迴年年採木下川來川中鹿角都除  
却便似函關日夜開

白髮黃冠老道流自言家世小興州一從移向山南

住吹角孤城二百秋

永樂初棄大小興州

霧靈山上雜花生山下流泉入塞聲却恨不逢張少

保磧南猶築受降城

霧靈山在曹家寨邊外嘉靖初巡撫王大用欲賂三衛取其山城之不果

廿五五十初度時在昌平

居然濩落念無成隙駟流萍度此生遠路不須愁日

暮老年終自望河清常隨黃鵠翔山影慣聽青驄別

塞聲舉日陵京猶舊國可能鐘鼎一揚名

北嶽廟

曲陽古名邦今日稱下縣嶽祠在其中巍峩奉神殿

體制匹岱宗經營自雍汴鶴駕下層霄宸香闕浚院

睽暘鬼目獰盤蹙松根轉白石睇穹文丹楹仰流綯

肇典在有虞望秩羣神徧時巡歲即暮歸格牲斯薦

自此沿百王彬彬著紀傳恒山跨北極自古無封禪

賴以鎮華戎帝王得南面河朔多疆梁燕雲屢征戰

赫赫我陽庚區分入邦甸告祈無闕事降福蒙淡眷

周封喬嶽柔禹別高山奠疆吏少干城神州□□踐

祠同宋社

時嶽祀移渾源州

祭卜□川變再拜出廟門□□

淚如霰

左太冲吳都賦忘其所以睽暘失其所以去就李善注說文曰睽覲視也暘疾視也舊唐書張嘉貞傳為定州刺史至州於恒嶽廟中立頌自為文書於石為碑用白石為之素質黑文甚為奇麗今碑在廟中漢書郊祀志周顯王之四十二年宋太邱社

井陘

井陘

水折通燕海山盤上趙陘權謀存史冊險絕著圖經

瞰下如臨井憑高似建瓴壑冰當路白窯火出林青

頗憶三分國曾觀九地形秦師踰上黨齊卒戍熒庭



獨此艱方軌於今尚固局

井陘之道春秋戰國用兵未有由之者自王翦韓信伐趙始開此路而魏道武

伐燕使公孫蘭于栗磾帥步騎二萬自太原開井陘關路襲燕慕容寶於中山於今遂為通塗

連恒開晉索指昂逼

虞星乞水投孤戍炊藜舍短亭却愁時不會天地一

流萍

左傳襄二十二年齊侯伐晉張武軍於熒庭戍郟郟封少水以報平陰之役定四年命以唐誥而封於夏墟啟以夏政疆以戎索

一鴈

一鴈度汾河河邊積雪多水枯清澗曲風落介山阿

塞上愁書信人間畏網羅覆車方有粟飲啄意如何

堯廟

舊俗陶唐後嚴祠古道邊土階依玉座松棟冠平田

霜露空林積丹青彩筆鮮垂裳追上理歷象想遺篇

鳥火頻推革山龍竟棄捐汾方風動壑姑射雪封顛

典冊淪幽草文章散暮煙滔天非一族猾馬已三傳

歲至澆邨酒人貧闕社錢相逢華髮老猶記漢朝年

符子堯曰余坐華殿之上森然而松生於棟余立櫺屏之內霏然而雲生於牖詩彼汾一方

亭林詩集卷之三終

馬林言集卷三



書